


東京大学総合図書館所蔵


淨土晨鐘

C40
4514
(68)



C40-45-14

了翁一處請大歲及有
家書於武別紫雲山
我微安院直府中永
為學者不敢許出院內
當山二世鐵牛撰註



B 64853

淨土晨鐘

荆溪周克復重朗纂

男周

石穀城訂

吳郡陳濟生皇士叅

淨土策進

往生以往爲義。往以進爲功。進則西方彈指可到。退則隔十萬億刹之外。譬之駕馬。朕駢驥不鞭箠而日致千里。良馬顧鞭影而馳。其次則須執策擬其後矣。求生彼土者無悠悠坐進之理。亦復如是。善乎蓮大師曰。世間一技一藝。始學不勝其難。因置不學。則終無成。

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

矣。故貴有決定不疑之心。雖復決定而優游遲緩。則亦不成。故其繼貴有精進勇猛之心。雖復精進或得少而足。或時久而疲。或遇順境而迷。或逢逆境而墮。則亦不成。故其終貴有常永貞固誓不退轉之心。古云三昧不成假令筋斷骨枯終不休歇。又云道不過雪竇。不復登此山。如是有心何事不辦。茲取前賢警切之語。著爲是編。多本蓮池者樂其文義簡至。且言近而可徵也。以誓願策其始。以一心正念策其終。義備矣。志淨業者。其以是當

繞朝之策。祖生之鞭。述策進第六。

策願力

問爲惡必墮三途。非資願力。則淨業正因。何以願爲。答曰。從善如登。爲惡如崩。安可例故。欲生淨土。樂見阿彌陀佛。必須發願。乃得往生。若無願心。善根沉沒。華嚴經云。不發大願。是爲魔事。欲成無上道故。須得願波羅蜜。所以本師莊嚴樂邦。實惟四十八願。普賢亦以十大願王爲極樂先導。曰最後剎那。一切諸根悉皆退失。惟此願王。不相捨離。於一切時。引導其前一剎那間。卽得往生極樂世界。唐道昂法師。志篤西

方。一日見天衆繽紛告徒云。兜率迎我。非本願也。吾志西方。何不果言訖。天樂倏隱。隨見西方法音滿前。師乃坐化。夫時逼須臾。猶能却天宮而轉淨土。終遂所期。願力之神。不可思議如此。

竊見常人念佛者。多只爲福田故。眷屬故。痛苦求痊。及永年故。保富貴安樂。子孫光顯故。往往香燭道場。所陳祝願回向之詞。皆是趨逐凡緣。與阿彌接引本願甚背。縱使一生修習。不明大道。錯用功夫。何益。惟是發真正願。願見阿彌陀佛。願生清淨國土。願得親承授記。回入娑婆。廣度衆生。毫不自求人天福報。如

是發願時刻注向。雖不對佛陳白。而心意之中。欣樂不忘。方稱願力成就。方與佛願相應。臨命終時。必蒙接引。已上纂故鄉消息。

問誓願並稱。其義何居。曰。蓮大師云。期其志而必到者。願爲之先導也。堅其願而不退者。誓爲之後驅也。故疏稱誓爲願中勇烈意。吾願雖發。若無大誓。安克有終。蓮宗寶鑑引懺云。衆生無邊誓願度煩惱無盡。四弘願慈照集懺。恐人着事迷理。乃云。自性衆生誓願度。自性煩惱誓願斷。自性法門誓願學。自性佛道。

誓願成此四句直明真理與後人開一門戶只要人自信自肯從這裏入頭悟自性彌陀達惟心淨土入諸佛境界

合纂

策勇猛精進

凡修淨土人灼狀是要敵他生死不是說了便休當念無常迅速時不待人須是把做一件事始得若半進半退似信似疑濟得甚事如何出離輪迴譬如百二十斤擔子到臨時自家擔荷得去方爲了事決不在會說會道廣化人緣上決不在有傳有授扭捏做作上決不在盛設道場多點香燭上若是信得及便

從今日去發大勇猛發大精進莫問會與不會見性不見性但執持一句南無阿彌陀佛如靠着一座須彌山相似搖撼不動專心一意或參念佛念憶念十念或默念專念繫念禮念念茲在茲心念不空過念佛不離心日日時時不要放捨綿密密密如雞抱卵常教暖氣相接即是淨念相繼更加智照則知淨土主靠得穩縱遇苦樂逆順境界現前只是念佛無一念變異心無一念退惰心無一念雜想心直至盡生永無別念決定要生西方極樂世界能如是用功則

歷劫無明生死業障。自狀消殞塵勞習漏。自狀淨盡無餘親見彌陀不離本念。功成行滿願力相資。臨命終時定生上品。其或力量未充須隨力修習未能專一亦要朝昏禮念家緣繁冗無忘十念稱名日用猛着精彩積功積行發願發心誓畢此生同登淨域此乃真實了生死人也。蓮宗寶鑑

世網中人若是痛念無常用心真切者不問靜閑閒忙一任公私幹辦迎賓待客萬緣交擾八面應酬與他念佛兩不相妨不見古人道朝也阿彌陀暮也阿彌陀假饒忙似箭不離阿彌陀其有世緣重力量輕

者亦須忙裏偷閒閑中取靜每日或念百聲千聲定爲日課不容一日放過又有冗忙無墳刻暇者每日晨朝十念積久功成亦不虛棄念佛外或念經禮佛懺悔發願種種作福隨力修諸善行以助之凡一毫之善皆須回向西方如此用力決定往生亦且增高品位淨土或問

世人修行淨業勿得言我今忙迫且待閒暇我今貧乏且待富足我今少壯且待暮年若已分定常忙分定貧乏分定夭折卽於淨業無緣耶忽爾喪亡雖悔何及是故卽今安健努力修之寂室

一生之中。以淳淨心。堅固諦信。至誠禮誦。悔過發願。吾知此人。若身若心。則與彌陀氣類交接。智論云。如風吹樹。斜勢西傾。及其倒時。必當西倒。習善得生。亦復如是。

橘菴法師有嚴

世人念佛不真切。只是把生死二字看得輕忽。一生忙忙碌碌。將性命撇在虛空。與已全無干涉。卽或當場嗟嘆。片時毛骨悚然。過後仍前醉夢屠赤水云。世智紛紛。名利場中。伶俐識神擾擾。死生路上糊塗哀哉。誰曉四大不堅。無常甚速。三途八難最苦。肯去要緊。真切念佛。百中希有一二也。昔一僧探俗友。勸以

生死事大。急宜念佛。友謝以三頭未了。僧問故。友曰。親柩未舉。男婚女嫁未畢。僧別不久。友忽亡。僧往弔作詩曰。吾友名爲張祖留。勸伊念佛說三頭。可怪閻公無分曉。三頭未了便來勾。此言雖淺。大可醒俗。吾願世人各宜奮發精力。一下斬斷輪迴。信得這句佛。卽勇往直前念去。只此一念。是破黑暗之明燈。是渡苦海之大船。是脫生死之良方。是出三界之徑路。併其或驗。或不驗。或悟。或不悟。一切都。不計較。但持一句佛號在心。無事也。念有事也。念安樂也。念病苦也。念生也。念死也。念如此認真。事無不濟。

期七日當往急
請真如禪師求救。師令發願修塔。晝夜勤念金剛經。
中當知此處。卽爲是塔。二旬至是日。冥使入室拘之。
金塔光耀目不能開而去。頭陀得不死。拽錙苦募。終
此勝事。克復輯金剛持驗至此。竦狀曰。懷林發功德
大願。諷上乘妙法。七日便能跳出生死異矣。今觀淨
土法門。一日七日至一念十念。決定往生。不更異乎。
乃今人一生念佛。不免輪迴。又何以故。要知如來教
人念佛。正攝百千萬禱。念於一念。一念猛勵。自狀證
佛。還思今人念佛時。一串素珠中。意起意滅。不知多

少更端。則其念佛亦只口中喃喃。心上並不知有佛。
在此。彼手之於口。口之於心。尚未合。一妄望。凡人與
佛能合。而爲一耶。念佛不能絕去禱心。純一精進。至
無間地。欲逃生死。往生止品。斷無此理。已上附纂。

策攝心悟心

凡歷涉緣務。而內心不忘於佛。及憶淨土。譬如世人。
切事繫心。雖經歷語言。去來坐臥。種種作務。而不妨
密憶前事。宛狀念佛之心。亦應如是。或者失念數數
攝。還久久成性。任運常憶。慈雲懺主。

古云。雜念是病。念佛是藥。念佛正治雜念。而不能治

者因念不親切也。雜念起時。卽用心加功念佛字。字句句精一。不二雜念自息矣。

端坐念佛。恐心難攝。不若經行。

問猿方着鎖。旋卽昏沉。惺惺策發。隨復散亂。云何降伏答寂。寂治散亂。散去則生昏沉。惺惺治昏沉。昏去則生散亂。止觀雙持。昏散皆退。今只須精明念佛。念無二念。曰精念而返照。曰明精卽止。明卽觀。一念佛而止觀備矣。

參禪人只守一則公案。如參念佛是誰。不得又參萬法歸一。歸何處等。若透一則。餘盡透矣。若自覺已

透於別則。公案還有不盡透處。卽是向所守公案。還非真透。未免涉情識也。

行住坐臥四威儀中。皆可用心而坐。時爲勝狀。始學者先須行多坐少。若貪坐。則昏不能退。無事有事皆可用心。而無事爲勝。先於靜處做。後於動處鍊。

凡夫放心初學攝心。後乃得心攝。心非止。一法功高易進。念佛爲先。想起時。不須別作除滅。但舉阿彌陀佛四字。盡力挨拶。便是攝心工夫。忽狀悟去。名曰得心。今見六祖道。本來無一物。何處惹塵埃。便將神秀時時勤拂拭之句。藐視如一莖草。不知時時拂拭。正

學者今日事也。已上蓮池遺稿

卷二 嶽錄
策三種念佛成佛

或問今見世人念佛者多生西方成佛者少何也答其說有三一者口雖念佛心中不善以此不得往生不知既是念佛便要依佛所說積德修福孝順父母忠事君王兄弟相愛夫婦相敬至誠信實柔和忍耐公平正直陰陽方便慈憫一切不殺生命不凌辱下人不欺壓小民但有不好心起着力念佛定要念退這不好心如此纔是念佛的人定得成佛二者口雖念佛心中胡思亂想以此不得往生念佛之時按定

心猿意馬字字分明心心照管如親在西方面對彌陀不敢散亂如此纔是念佛的人定得成佛三者口雖念佛心中只願求生富貴或說我等凡夫料西方無分只圖來世不失人身此則不合佛心以此不得往生不知天宮福盡也要墮落人間富貴能有幾時若說是凡夫西方無分則聖賢都是凡夫做安知你不生西方也便可發廣大心立堅固志誓願往生見佛聞法得無上果廣度衆生如此纔是念佛的人定得成佛

蓮池

卷二 嶽錄
策出家人一心正念

先民有言。禹惜寸陰。至於衆人。當惜分陰。我今衰殘。奚啻惜分。一彈指頃。母雜用心。母雜用心者。謂本參正念外。纔起一念雜想。即使掃除。攝歸正念。不可時刻延捲。今略開七事。真爲生死出家。直欲一生了。

辦務力守之。時時自警。

一不得畜資財。造房屋。買田地。置一切精緻好物。卽經像等。傳自太古。出自名家。皆勿留戀。一心正念。二不得作種種非緊要福緣事。姑俟他日。大事已明。作之未晚。今且權置萬行門。一心正念。三不得於好色好味等。起貪愛心。於好言贊譽我者。起貪愛心。於好言贊譽我者。起貪愛心。

不得於惡色惡味等。起嗔惱心。於惡言譏毀我者。罵辱我者。種種拂逆我者。起嗔惱心。乃至過去未來事。或順或違。皆悉屏絕。堅壁固守。一心正念。四不得吟作詩文。書寫真草題帖。對聯修飾。尺牘。泛覽外書。議論他人得失長短。乃至教憑臆見。而高心著述。禪未悟澈。而妄意拈評。緘口結舌。一心正念。五不得交結親朋。應赴請召。遊山覩景。雜話閒談。凡種種世諦中事。除理所當爲。決不可已者。餘悉休罷。一心正念。六不得貪著放逸。恣縱睡眠。大事未明。捍勞忍苦。一心正念。七不得與世人競才競能。爭名爭勢。

未得言得。未證言證。誰稱知識。妄自尊高。惟應執卑。
守愚終身。居學地而自鍛鍊。常精常進。一心正念。池

自此蓮師現身說法語也。借自警以警人。句句啞心。
文言言針頂。謂是彼說自家話。與我輩無與可乎。覽此而不悚然易處者。必非真學道人。

我出家後。到處參訪時。徧融師門庭。大振。予至京師。叩之。勝行再請師曰。可守本分。不得去。貪名逐利。亦不得去。攀緣。只要因果分明。一心念佛。予受教出。同行者大笑。謂此數言。誰說不出。千里遠來。只道有甚高妙處。予曰。不狀。此正是他好處。吾輩企慕遠來。他却不說玄說妙。凌駕衆人。只將自家體認過。切近精

實工夫。叮嚀開示。正是真實禪和。不可輕也。我至今
着實遵守。

今人念佛。不肯真切加功。只是不曾深思諦信。不要說不信淨土。只如世尊說。人命在呼吸間。這一句於義理。非有難解。你們眼裏親見。耳裏親聞。經過許多。榜樣。如今要你信得這句。早是不能勾也。你若真實信得這句。則念佛法門。不必。要我費力。千叮萬囑爾。自如水赴壑。萬牛不能挽矣。即如前日津送亡僧時。你們覩此榜樣。當愀然不樂。痛相警策。曰。大眾。我與你。但今日送某僧。明日送某僧。不知不覺。輪到自身。

濟生處錄

上

此時悔恨無及。須疾忙念佛。時刻不要放過方好。我看你們口裏也說可惜。及乎過後。依狀言笑自如。只是不信人命在呼吸間也。

予見新學少年。纔把一句佛。頓在心頭。閑思妄想。越覺騰沸。便謂念佛工夫不能攝心。不知汝無量劫來生死根由。何能卽斷。且萬念紛飛之際。正是做工夫時節。旋收旋散。旋散旋收。久後純熟。自狀妄念不起。且汝之能覺妄念重者。虧這句佛。如不念佛時。瀾翻潮湧。剎那不停者。自己豈能覺乎。

念佛有默持。有高聲持。有金剛持。高聲覺太費力。默

念又易昏沉。只是綿綿密密。聲在唇齒之間。乃謂金剛持。又不可執定。或覺費力。不妨默持。或覺昏沉。不妨高聲。今念佛者。只是手打魚子。隨口叫喊。所以不得利益。須句句出口入耳。聲喚醒。自心如一人濃睡。一人喚云某人。彼卽醒矣。所以念佛最能攝心。幼時尚不知念佛。見隣家一老嫗。每日課佛數千。問爲何如此。彼云。先夫往時念佛去得甚好。故我如此念。先夫去時。並無他病。只與人一請。而別出家人。奈何不念佛。蓮池警衆

策在家人一心正念

甲子農童策進六

未書云。世累所羈。不能一洗。凡俗狀。世未足稱。累也。
 世間法。如人倫庶物。一一與道非礙。所貴任理。隨緣。
 無心順應而已。登第日。發大誓願。必不以富貴利達。
 負其所學。期如古昔名臣。是謂濟世。必不以富貴利
 達。迷失正念。務了明此一段大事。因緣是謂出世。
 子貢問。一言終身。夫子以恕答之。今日戒之一字。銘
 以終身。罄無不盡。以攝心。即是戒。故若向心地法門。
 中念得便一切具足。尚何論戒之持與不持。如其不
 賦。須一一依教奉行。經云。攝心爲戒。因戒生定。因定
 發慧。戒之時義大矣哉。佛戒至密。殺戒微及蜎蠕。極

之纔有忿嫉。卽殺戒不淨。眼取色耳取聲。卽盜戒不
 淨。隔壁聞釵釧聲。卽姪戒不淨。至是則身心俱斷。事
 理雙盡矣。處世緣中。持戒豈能一一與刺染者例論。
 惟貴於心學。大頭腦處著力。一旦脫狀悟去。則咳唾。
 掉臂。無不是清淨毘尼矣。但不可未得謂得。而發狂
 解。便道飲酒食肉。不礙菩提。行盜。行姪。無妨般若。墮
 落魔羅境界耳。果能時時反照。刻刻提撕。向本參念。
 佛話頭上做工夫。則不惟日後有發明在。卽目前便
 自得力。日用有主宰。不隨物轉。縱居聲色名利之場。
 妻子眷屬。日夕相接。不妨與世推移。混俗和光。自狀

出汚泥而不染。是謂塵中大解脱門也。所稱宜世不染。世益人復益已者。豈外是哉。

人之處世。遇順境者。其情渝以安。遇逆境者。其情憂以危。狀而順。未足爲幸。逆。未足爲不幸也。溺於意之所便。則出世之心。不生戚戚乎。不得志。狀後厭身世之桎梏。而求出世。是故萬苦交於前。但以正智觀察。苦從何生。從身生。身從何生。從業生。業從何生。從惑生。因惑造業。因業成身。因身受苦。但能破惑。一切空寂。問所以破惑之方。只須就本參詰。頭上理會念佛。的是誰捉破此疑。諸惑皆破。思之毋忽。

攝心用觀。坐立想像等。俱隨人無定。但常觀無間非塵緣。未了者所能爲。雖不能常觀。亦是工夫。毋用爲慮。又塵緣中觀法難成。不如直以學業家業。得暇之時。卽便默持名號。只貴字字分明。句句親切。心則自攝。若久之不退三昧成就。卽此是觀。

法門無量。要在明心。明心要門。無如念佛。讀作之暇。或心煩時。靜坐念佛。甚有利益。一念在佛。雜念退休。心空境寂。妙當何如。願無易而忽之。已上遺稿

策老者病者一心正念

佛言人命無常。促於呼吸。少年亦爾。何况老乎。我今

殷勤來相警策。當觀此身。目暗耳聾。髮白面皺。背僵腰曲。骨痛筋攣。步履龍鍾。精神昏塞。譬如夕陽西照。光景須臾。衰草迎秋。凋零頃刻。此身不久。前路茫茫。未知所往。誠如已事。已辦非愚所量。其或不狀。何不猛省無常。戰兢惕勵。諦思淨土。決志往生。放下萬緣。一心念佛。老堂警策

佛言人命無常。促於呼吸。平人亦爾。何況病乎。我今殷勤來相警策。當觀此身。四大不調。百骸欲散。飲食漸減。醫藥無靈。便利床敷。呻吟枕席。譬諸魚遊釜內。倏忽焦糜。燈在風前。剎那熄滅。此身不久。前路茫茫。

未知所往。誠如已事。已辦非愚所量。其或不狀。何不猛省無常。戰兢惕勵。諦思淨土。決志往生。放下萬緣。一心念佛。病堂警策

七十古希百年能幾。今此暮景正宜。放開懷抱。看破世間。宛如一場戲劇。何有真實。但以一聲阿彌陀佛。消遣光陰。但以西方極樂爲我家舍。我今念佛。日後當生西方。何幸如之。發大歡喜。莫生煩惱。倘遇不如意事。即使撥轉心頭。這一聲佛。急急提念。却回光返照。我是阿彌陀佛世界中人。奈何與世人一般見識。回嗔作喜。一心念佛。此是智慧中人大安樂。大解脫。

法門也。

病從身生。身從業生。業從心生。心空則業空。業空則身空。身且空。病安從生。願空其心。卽大忤意事亦付之如夢如幻。如泡如影。怡狀坦狀。不以介意。但回光內照。一心正念。一心正念者。但置一聲佛於清淨心中也。若是不惟却病。而道從此入矣。

無業而病。病屬先業。現生償此。併多生之業。償之矣。所謂重報輕受者也。世事以疾而廢。因廢世事得修道業。又所謂因禍而得福者也。應生歡喜。而勿煩惱。惟將身外事。并此身四肢百骸。盡情放下。使空無一

物。若不可歇者。權且歇下。待後處之。妄想熾。不能制。當念佛數聲。壓伏之。世間榮華富貴。不過片時間事。厄難苦惱。亦不過片時間事。倏忽便無。且萬般皆屬前緣。非人力所能奈何也。盡情放下。一心念佛。遺稿 蓬池若老年人定狀光景無多矣。須把身世事處分了。當任他大限。朝到暮到。撒手便行。無所繫累。此晚景大要緊處。修淨土人尤不可忽。每見人到屬纊時。都有幾件做不完的勾。當能於每日到上床時。都有丟得下的意思方好。但已事不辦。說丟得下也難。

世人以病爲苦。而先德云。病者衆生之良藥何也。蓋有形之身不能無病。值無病時嬉怡放逸。誰爲覺悟者。惟病苦逼身上乘人從此悟四大非實人命無常倍堅道念其次亦萬念灰冷良心孤露從前所作善惡歷歷現前不容欺昧急切回頭狀則病誠悔悟之一機而修進之一助也。狀無根器人病至而怨尤病甚而惶懼及病去而復縱恣妄行以自愉快邪迷不返雖虛扁其如之何故因病受益者非有根器人不能合纂。

淨土飭終

起信而下淨土資糧具矣。循是而往順水揚帆樂邦如在目前。何疑於終而更煩飭。不知欲辦大事。弊緊尤在臨時。一着從前。悠忽到此。延捱不得。從前迷着到此糊塗不得。從前浮華到此假借不得。從前岐路到此徘徊不得。只方寸間靈明用事。醒則立現蓮臺。昧則六道三塗有分。淨穢頃刻異路。危哉。危哉。究竟把握要訣。不外一心正念四字。此際如挽弓到將滿時。分外難開。須加意審。固前手撤。

後手絕箭方中的。又如泛海憑指南車不誤方所。將抵彼岸急宜仔細收帆。把舵霎時差失。依舊被狂颶吹去。飄蕩大洋中。將何底止。宋儒謂平日工夫。正於此處用得着。即是此意。雖艸適百里者宿春糧。千里者三月聚糧。况十萬億刹之極樂國乎。不豫辦於平生。而欲襲取於俄頃。未審倉皇呼吸時。能具諸葛觀魚安石闇碁手。假了大敵否。語云定計於蚤。恐阿彌陀經非世人急就章也。如泥惡人十念往生之語。不妨放寬眼下。恐經文理固

可信。亦是如來萬不得已垂手之苦言。非便以西方作此輩護身符也。且人情莫不好勝。而惡劣獨於此事。甘以下下自許。亦殊可憫。或問一偈。叫醒頑愚。痛快無兩。故以殿飭終之後。而預飭未終者。述飭終第七。

飭臨終往生正念

知歸子問曰。世事之大。莫越生死。一息不來。便屬後世。一念差錯。便墮輪迴。蒙開誨念佛往生之法。其理甚明。又恐病來死至時。心識散亂。或他人感動。正念忘失。淨因。望重示歸徑之方。師曰。善哉。問也。凡人命

終欲生淨土。須先準備。不得怕死。常念此身多苦惡業交纏。若得捨此穢身。超生淨土。見佛聞法。受無量快樂。得大解脫。乃是稱意之事。如脫弊衣。得換珍服。但當放下身心。莫生戀著。遇有病時。便念無常。一心待死。叮囑家人。及往來問候人。凡來我前。爲我念佛。不得說眼前閑雜話。家中長短事。亦不須輒語安慰。祝願安樂。此皆虛華無益。若病重將終。親屬不得垂淚哭泣。發嗟歎懊惱之聲。惑亂心神。失其正念。但一時同聲念佛。待氣盡方可發哀。纔有絲毫戀世間心。便成罣礙。不得解脫。若得明曉淨土之人。頌來策勵。

極爲大幸。依此者決定超生無疑也。問求醫服藥還可用否。答曰。醫藥初不相妨。狀藥能醫病。不能醫命。命若盡時。藥奈之何。若殺物命爲藥。以求身安。此則不可。又問求神祈福如何。答曰。人命長短。生時已定。何假鬼神延之耶。若迷惑信邪。殺害衆生。祭祀邀福。但增罪結冤。俱無所濟。切宜戒之。又問平生未念佛人。還用得否。答曰。此法僧人俗人。未念佛人。用之皆得往生。余多見世人。平常念佛禮拜。求生西方。及至臨病。却又怕死。都不說著往生解脫之事。直待氣消。命盡識投冥界。方始十念鳴鐘。恰如賊去關門。濟何

津二景錄

三

事也。死門事大。須是自家做主。自家著力。若一念差錯。歷劫劇苦。誰人相代。思之。若無事時。當以此

法精進受持。是爲臨終大事。

善導和尚

心本不生。緣合而生。心本不死。緣散而死。似有生死。原無去來。於斯會得生。順死安常。寂常照世。人畏死者。以未悟本來無生故也。本自無生焉。得有死何畏。之有。朕無生未易卒悟。惟當專誠念佛。久久念至一心不亂。必得開悟。就令不悟。而一生念力。臨終自知死去。必生淨土。則如流落他鄉。得歸故里。阿彌陀佛。垂手接引往生。歡喜無量。何畏之有。

念不堅。却言我今念佛。而有病苦。反謗阿彌。只此一念。徑入地獄。一關也。或平日口談淨土。心戀娑婆。不種出世善根。惟求俗緣利益。臨終遭病。怖死貪生。妄信師巫殺戮生命。祈禱神鬼。緣此心邪。無佛攝護。流浪三途。二關也。向持齋戒。或因服藥。或被勸逼。破戒用葷。此人無決定信。喪失善根。五關也。臨終時繫念家財。愛戀眷屬。心放不下。失却正念。致墮鬼趣。或托生蟲獸。守護家庭。宛如存日。四關也。故楊提刑言。愛不重。不生娑婆。念不一。不生淨土。誠哉是言。修淨業者。要於平時考究。平時打點。臨期不昧。全身放下。念

念彌陀。但能堅此一念。便可碎彼四關。

纂蓮宗寶鑑

問衆生從無始造業。云何臨終十念。卽得往生。答曰。衆生無始以來。善惡業種。多少強弱。孰從知之。但能臨終遇善知識。十念成就者。皆是宿善業强。若惡業多者。善知識尚不可逢。何論十念成就。又汝以無始以來惡業爲重。臨終十念爲輕者。今以道理三種較量。一者在心。二者在緣。三者在決定。在心者。造罪時從。自心虛妄顛倒。生念佛心。從善知識聞說阿彌陀佛真實功德名號。生一虛一實。豈得相比。譬千年闇

尊慈至是。宜以所欲言事。盡底書付令郎。令胸中都無牽掛。一心正念。心目內照。四字佛名。歷歷明明。無間無斷。從其今日去。亦可明日去。亦可設或不去。活到一百二十歲。亦可此爲要緊。語朋友平生相交。正在此處。他皆小事。不暇及也。切勿貪生怕死。而誤大事。

蓮池遺稿

上士飭臨終三疑四關。本念。身。命。財。福。小。不。想。會。慈照宗主。淨土十門。告誡云。念佛人。臨終三疑四關。不可不慎。三疑者。一疑我生業重。修行日淺。恐不得生。二疑有心願未了。及貪瞋癡未息。恐不得生。三疑。

我雖念彌陀臨命終時恐佛不來迎接有此三疑。因疑成障失其正念不得往生故既念佛切要諦信佛經明旨經云念阿彌陀佛一聲滅八十億劫生死重罪上而一心不亂下至十念成功苟能心心不昧念念無差則疑情永斷決定往生今以三說消彼三疑一曰業本虛妄心淨卽空業重不必疑也二曰情同夢幻醒歸何有自肯息機貪嗔隨斷不必疑也三曰功專念切自心佛現佛不來不必疑也

四關者凡夫雖有信心念佛或宿業障重不免病苦若因此悔悟身心投誠皈佛自生淨土無智之人道室日光暫至積闇頓除在緣者造罪時從虛妄癡闇心緣虛妄境界顛倒生念佛心從聞佛清淨真實功德名號緣無上菩提心生一真一偽豈得相比譬人被毒箭中傷肌破骨一聞滅除藥鼓卽箭出毒除在決定者造罪時以有間心有後心念佛時以無間心無後心遂卽捨命善心猛利是以卽生譬如十圍之索千夫不制童子揮劍須臾兩分又如千年積柴以一豆火焚少時卽盡又如人一生以來修十善業應得生天臨終之時起一念決定邪見卽墮阿鼻地獄惡業虛妄以猛利故尚能排一生之善業令墮惡道

清上房錄

何况臨終猛心念佛。真實無間之善業。不能排無始惡業。得生淨土。無有是處。

智者十疑論

問既云七日。臨終十念。俄頃何得往生。答正以一心故。如智論中說。又自力他力。故如那先中說智論云。雖時頃少。心力猛利。是最後心。名爲大心。當知卽是。一心不亂。故那先經云。如持大石。置於船上。因得不沒。惡人念佛。不墮泥犁。而得生。亦如是。則已之心力。佛之願力。交相成也。

疏鈔

人子事親。察其往生時至。預以父母平生衆善聚爲

飭父母往生

一疏。時時讀之。令親生歡喜。又請父母坐臥西向。念彌陀。設像接引。如臨極樂。捨壽之頃。更須用意。無以哀泣。亂其正志。同聲念佛。助之西行。俾親得生淨土。受諸快樂。不亦善乎。平生孝養。正在此時。寄語孝子順孫。無忘此事。

勸孝文

附文飭眷屬往生

大道無情。冤親平等。狀凡夫愛戀眷屬。語以平等。似未相應。不知情愛未忘者。惟有修習淨業。共結西方伴侶。則情歸忘情。愛同忘愛。不壞凡夫心相。亦且普度往生。固未嘗不平等也。以視夫濱危之際。揮涕訣

別待潰之軀。罄貲厚殮者。其愛之大小。何如明眼人。
自當有辨。

纂故鄉消息
不熟凡夫心昧且普

華嚴賢首品曰。又放光明。名見佛。此光覺悟將沒者。令隨意念見如來。命終得生其淨國。見有臨終勸念佛。又示尊像令瞻敬。俾於佛所深歸仰。是故得成此光明。凡遇眷屬及一切人臨終。先於寢室榻前置一立佛像。向東病者向西。與佛相對。看病者燒香散花。鳴磬助稱佛名。或病者先不信念佛。亦須種種方便勸令稱佛。若有病症遺穢。隨卽除之。亦無有罪。以佛心慈悲。但冀歸誠。別無憎惡。

無盡燈

普寶飭護病者

修淨業人。臨終如障重昏憤。策勵非易。則看病之人關係不小。是當預爲籌畫。至於終時。惹嗔惹戀。誤亡者入他道。尤可懼也。雜譬喻經言。阿耆達王立佛塔寺。功德巍巍。臨終侍人持扇。墮王面上。令王嗔恚。卽受蛇身。沙門爲說經。聞法生天。故臨終侍人不可不受護病者心也。

纂丁蓮偈

飭自念佛度冤親。薦亡功果不如生前。自作功果所謂十念。乃生前自念佛。非身後請人念也。經云。身後人爲作功果。七分

得一生前自作者。得千百倍報。故念佛者。仗人不如求已。若有罪惡念佛。恐難往生。但起見佛得道還度一切冤親之心。則無不生。或問人平生爲惡。殘害衆生。若臨死念佛。亦生淨土。衆生冤讐。何時可解。答曰。生淨土得道之後。皆度脫一切冤親。豈不勝冤冤相報。彼此無出期者乎。

纂龍舒文

飭臨終請衆念佛

人於康健時。宜請衆念佛。懺罪解冤。况當疾革。能勇猛發心。請久修淨業。人大作佛事。以助西往。尤爲要着。寶珠集載。集維那臨終。以餘資兩次請衆念佛。得

生淨土。因思道氣法師對明皇云。佛力法力三賢十聖。亦不能測。但當信而行之。觀此又爲修淨土人標一赤幟矣。

纂樂邦文類

飭未終思終念佛

或問一生造惡。臨終念佛。帶業往生。狀則我於生前。且做世事。直待臨終。狀後念佛可乎。答曰。所謂逆惡凡夫。臨終念佛者。乃是宿有善根福德。因緣方遇知識。方得念佛。此等僥倖。萬中無一。豈不見羣疑論云。世間有十種人。臨終不得念佛。一者善友未遇。二者業苦纏身。三者中風失語。四者狂亂失心。五者或遭

水火六者遭遇虎狼七者臨終惡友八者昏迷致死九者軍陣戰鬪十者高巖傷命如此十種尋常有之或宿緣所招或現業所報忽爾現前不容迴避便須隨業受報向三途八難中受苦受罪直饒你無此惡緣只是生病自死亦未免風刀解體四大分離病苦逼迫忙怖張惶念佛不得了也更饒你無病而死又或世緣未了世念未休貪生怕死擾亂胸懷若是俗人兼以家私未明後事未辦妻啼子哭百種憂煎念佛不得了也更饒你未死以前只有些少病痛在身忍疼忍苦叫喚呻吟問藥求醫禱祈懺悔孽念紛飛念佛不得了也更饒你未病以前只是年紀老大衰相現前困頓龍鐘愁嘆憂惱只向個衰老身上左右安排念佛不得了也更饒你未死以前正是少壯正好念佛之時稍或狂心未歇俗務相關東攀西緣胡思亂想業識茫茫念佛不得了也更饒你清閒自在有志修行稍於世相之中照不破放不下把不定坐不斷忽狀些子境界現前一個主人隨他顛倒念佛不得了也試看老病之時少壯清閒之日稍有一事在心早是念佛不得况待臨終時哉何況你更道且做世事且世事如夢如幻如影如響那一件有實效

清。上。嘉。金。
 那一件替得生死。縱你廣造伽藍。多增常住。將謂多做好事。却犯了如來不體道。本廣造伽藍等戒。詎知有爲之功。多諸過咎。天堂未就。地獄先成。生死未明。皆爲苦本。眼光落地。受苦之時。方知平生所作。盡是枷上添枷。鎖上添鎖。失却人身。萬劫難復。鐵漢聞之也須淚落。祖師如此苦口勸人。曾許你且做事業。直待臨終方念佛耶。又不見死心禪師云。世間人財寶如山。妻妾滿前。日夜歡樂。他豈不要長生在世。爭奈前程有限。暗裏相催。符到奉行。不容遲住。且據諸人眼見耳聞。強壯後生死。却多少世人多云。等待老來。

方暇念佛。不知黃泉路上。不論老少。能有幾人。待得到老耶。古云。莫待老來方念佛。孤墳多是少年人。又云。自從早年索妻養兒。經營家計。受盡萬千辛苦。忽狀三寸氣斷。未免一旦皆休。若是孝順兒孫。猶能記憶爹娘。若是不肖子。父母方死骨頭未冷。作捷財產。恣意爲樂。以此較之。着甚麼要緊。作千年調。兒孫自有兒孫福。莫與兒孫作馬牛。古德如此苦口勸人。曾許你且做事業。待臨終方念佛耶。當思人生在世。能有幾時。趁未病未老之前。抖擻身心。撥開世事。得一日光陰。念一日彌陀。得一時工夫。修一時淨業。由他。

淨土正辨

臨命終時好死惡死我之盤纏預辦了也我之前程穩穩當當了也若不如此後悔難追思之恩之天如師淨

土或問



淨土正辨

問。清。蓮。宗。之。旨。古。今。闡。析。已。備。理。事。兼。融。淺。深。具。
足。所。慮。聰。明。才。俊。之。徒。盛。氣。未。易。卒。降。往。往。
駕。言。玄。解。支。離。百。出。厭。病。有。三。一。偏。執。已。見。
二。錯。會。意。旨。三。隨。人。脚。跟。是。名。小。慧。而。實。大。
愚。自。誤。誤。人。莫。斯。爲。甚。夫。醍。醐。毒。藥。共。是。一。
味。正。知。見。是。爲。醍。醐。邪。僻。解。便。爲。毒。藥。入。口。
無。及。明。眼。宜。先。蓮。師。曰。淨。土。之。教。專。一。心。而。
向。往。歷。三。界。以。橫。超。悟。心。外。之。無。土。則。一。真。
湛。而。萬。法。泯。誰。是。西。方。了。土。外。之。無。心。則。七。

寶飾而九蓮開。何妨本寂狀。上根卽事契理。固諦信不回。下士有聞斯從。亦無因起惑。惟不上不下。位屆中流。乃欲從欲違志。無定向。由是十疑通於智者。或問啓於則公。天鼓諱。諱婆心戀戀。豈曰多言。言所不容已也。而復畧沉膏繼病劇藥增。後是二書。能無再述夫。辨之不可以已也。如是述正辨第八。

辨生淨土救衆生爲易行道

問諸佛菩薩以大悲爲業。祇應願生三界。於五濁三塗中。救度衆生。何求生淨土。專爲自利。則是無大慈。

悲障菩提道答曰。菩薩有二種。一者久修行菩薩道。得無生忍者。實當斯責。二者未得已還及初發心。凡夫。凡夫菩薩者。須常不離佛。忍力成就方堪處三界。內於惡世中。救苦衆生。何以故。惡世界煩惱彊。自無忍力。心隨境轉。聲色所縛。自墮三塗焉。能救衆生。假令得生人中。聖道難得。或因持戒修福。得作國王大臣。富貴自在。縱遇善知識。不肯信用。貪迷放逸。乘此惡業。入三塗。經無量劫。從地獄出。受貧賤身。如此輪迴。至於今日。人人皆如是。此名難行道也。故維摩經云。自疾不能救。安能救諸疾人。智度論云。譬如二人。

淨土彙錄

各有親眷爲水所溺。一人情急直入水救爲無方便力。故彼此俱沒。一人有方便往取船筏乘之。救接悉脫水溺之難。新發意菩薩亦復如是。未得忍力。常須近佛。得無生忍已方能救衆生。如得船者。又論云。譬如嬰兒不得離母。又如鳥子依樹附枝。不能遠去。翅翮成就。方能飛空無礙。凡夫無力。唯專念阿彌陀佛。使成三昧。以業成故。臨終斂念得生。決定不疑見彌陀佛。證無生忍已。還來三界生死國中。乘無生忍無廣施佛事。遊戲自在。教化地獄救苦衆生。以是因緣求生淨土。故十住婆沙論。名易行道也。天台智者

辨見性悟道勿輕淨土

問見性悟道。便超生死。何用繫念彼佛。求生他方。答曰。真修行人。應自審察。如人飲水。冷暖自知。諸仁者觀自己行解。見性悟道。受如來記紹祖師位。能如馬鳴龍樹。否得無礙辨才。證法華三昧。能如天台智者。否宗說皆通行解兼修能。如忠國師。否此諸大士。皆明垂言教。深勸往生。蓋是自利利他。豈肯悞人自悞。况大雄讚嘆。金口叮嚀。希從昔賢。恭稟佛敕。定不謬悞也。仍往生傳所載古今事跡。顯著非一。宜勤觀覽。以自照知。又當自忖。臨終時生死去住。定得自在否。

自無始來。惡業障重。定不現前。此報身定脫輪迴否。
 三塗惡道中行。出沒自由。定無苦惱。否。天上人間。十
 方世界。隨意寄託。定無滯礙。否。若了了自信得及。何
 善如之。若其未也。莫以一時貢高。却致永劫沉淪。自
 失善利。將復尤誰。嗚呼哀哉。何嗟及矣。

永明壽禪師

辨不修淨土五惑

夫以念爲念。以生爲生者。常見之所失也。以無念爲
 無念。以無生爲無生者。邪見之所惑也。念而無念。生
 而無生者。第一義諦也。是以實際理地不受一塵。則
 上無諸佛可念。下無淨土可生。佛事門中不捨一法。

則總攝諸根。有念佛三昧還源要術。示往生一門所
 以終日念佛而不乖於無念。熾狀往生而不乖於無
 生。故能凡聖各住自位。而感應道交。東西不相往來。
 而神遷淨域。此不可得而致詰也。夫如來世尊。雖分
 折攝二門。現居淨穢兩土。狀本聖之意。非以娑婆國
 土直爲可厭。極樂世界直爲可忻。蓋以初心入道。忍
 力未淳。須託淨緣。以爲增上。淺信之人。橫生疑謗。切
 嘗論之。此方之人。無不厭俗舍之煩喧。慕蘭若之寂
 靜。故有捨家出家。則殷勤讚歎。而娑婆衆苦。何止煩
 喧。極樂優游。遠勝蘭若。知出家爲美。而不願往生。其

惑一也。萬里辛勤，遠求知識者，蓋以發明大事，決擇生死而彌陀世尊，色心業勝，願力弘深，一演圓音，無不明契。願參知識而不欲見佛，其惑二也。叢林廣衆，皆樂棲遲，少衆道場，不欲依附，而極樂世界，一生補處，其數甚多。諸上善人俱會一處，旣欲親近叢林，而不慕清淨海衆，其惑三也。此方之人，上壽不過百歲，而童癡老耄，疾病相仍，昏沉睡眠，常居大半。菩薩猶昏隔陰聲，聞尚昧出胎，則尺璧寸陰，十喪其九，而未登不退，可謂寒心。西方之人，壽命無量，一托蓮苞，更無死苦，便獲阿惟越致，佛階決定，可期流轉娑婆，促

景而不知淨土長年，其惑四也。若乃位居不退，果證無生，在欲無欲，居塵不塵，方能運同體慈悲，和光五濁，其有淺聞單慧，便謂高超十地，耽戀娑婆，詆訶淨土，宛狀流浪接武泥犁，不知自是何人，擬此大權菩薩，其惑五也。故經云：應當發願，願生彼國。長蘆贊禪師

辨禪淨同歸勿空談理性而廢事相

或問淨土之說，蓋表法耳，智人宜直悟禪宗，今只讚說淨土，將無執着事相，不明理性，歟答歸元性無二方便，有多門曉得此意。禪宗淨土殊途同歸，昔人於此，遙互闡揚，如中峰大師云：禪者淨土之禪，淨土者

淨土經

卷五

禪之淨土而修之者必貴一門深入此數語尤萬世不易之定論也故大勢至菩薩得念佛三昧而曰以念佛心入無生忍普賢菩薩入華嚴不思議解脫而曰願命終時生安樂刹是二大士一侍娑婆教主一侍安養導師宜應各立門戶而乃圓融兩不相礙此皆人所習聞那得尚執偏見且爾云淨土表法者豈不以淨心即是淨土豈復更有七寶世界則亦將謂善心即是天堂豈復更有夜摩忉利惡心即是地獄豈復更有刀劍鎧湯愚癡心即是畜生豈復更有披毛帶角等耶又爾喜談理性厭說事相汝若真實理

性洞明便知事外無理相外無性何須定要捨事求理離相覓性况土分四種汝謂只有寂光真土更無實報方便同居等耶若一向說無相話以圖玄妙則心爲淨土之說初學看得兩本經論便能言之何足爲難且汝旣心淨土淨隨處淨土吾試問汝還肯卽廁溷中作住止否還肯就犬豕同槽飲噉否還肯入丘塚與腐骸同睡眠否還肯洗摩飼哺伽摩羅疾膿血臭穢諸惡疾人積月累年否於數者歡喜安隱略不介意許汝說高山平地總西方其或外爲忍勉內起疑嫌則是淨穢之境未空憎愛之情尚在乃開口

高談大聖人過量境界。撥無佛國。蔑視往生。誠欺天誑人。甘心自昧者矣。又汝若有大力量。有大誓願。願於生死海中。頭出頭沒。行菩薩行。更無畏怯。則淨土之生。吾不汝強如。或慮此土境風浩大。作主不得。慮諸佛出世難值。修學無由。慮忍力未固。不能於三界險處度脫衆生。慮盡此報身。未能永斷生死。不受後有。慮後有既在捨身受身前路茫茫。未知攸往。則棄淨土而不生。其失非細。此淨土法門似淺而深。似近而遠。難而實易。易而復難。但當諦信。速宜謹言。毋自禍禍人。貽苦報於無窮也。

蓮池師淨士疑辨

辨念佛有益參禪

古謂參禪不礙念佛。念佛不礙參禪。如圓照本真歇了。永明壽黃龍新慈受深。諸師皆禪門宗匠。而留心淨土。不礙其禪。故知參禪人雖念念究竟自本心。不妨發願往生極樂。所以者何。參禪雖得悟。倘未能如諸佛住常寂光。又未能如阿羅漢不受後有。則盡此報身。必有生處。與其生人世。而親近明師。孰若生蓮花。而親近彌陀之爲勝乎。狀則念佛不惟不礙參禪。實有益於參禪也。

一僧專修念佛法門。一僧以禪自負。謂之曰。念佛必待生西方。狀後得悟。參禪者現生便得悟去。遲速較狀矣。僧莫能決。舉以問予。予曰。根有利鈍。力有勤惰。存乎其人。則彼此互爲遲速。未可是此而非彼也。如二人同趨寶所。一乘馬。一乘船。同日起程。而到之遲速。未可定也。語其遲。念佛有累劫。蓮花始開。參禪亦有多生勤苦。不能見性者矣。語其速。參禪有當下了悟。不歷僧祇。獲法身。念佛亦有見性。打澈臨終。上上品生者矣。古云。如入涉遠。以到爲期。不取途中。強分難易。

辨得悟正宜往生

或問禪者曰。但悟自佛卽已。何必外求他佛。而願往生。予謂此實最上開示。但執之亦能有悞。請以喻明。假使有人頴悟同於顏子。百里千里之外有聖人如夫子者。倡道於其間。七十子三千賢。相與周旋焉。汝聞其名。往而見之。未必更有益處。而自恃頴悟。拒不覲謁。可乎。雖狀得悟。不願往生。敢保老兄未悟在何者。天如有言汝。但未悟。若悟。則汝淨土之生。萬牛不能挽矣。至哉言乎。

真實非愚山所傳。而對之。亦無以勝。故不復

下備辨心境非二淨土不可言無良基淨樂智土

有謂唯心淨土無復十萬億刹外更有極樂淨土此唯心之說原出經語真實非謬但引而據之者錯會其旨夫卽心卽境終無心外之境卽境卽心亦無境外之心旣境全是心何須定執心而斥境撥境言心未爲達心者矣或曰凡臨終所見淨土皆是自心故無淨土不思古今往生者其臨終聖衆來迎與天樂異香等惟彼獨見可云自心而一時大衆悉見之有聞天樂隱隱西去者有異香在室多日不散者是得謂無淨土乎圓照禪師人見其標名蓮品豈得他人之心作圓照之心乎又試問汝臨終地獄相現者非

心乎曰心也其人墮地獄乎曰墮也夫心現地獄者旣墮實有之地獄心現淨土者不生實有之淨土乎寧說有如須彌莫說無如芥子戒之戒之

辨淨土專志西方

有謂吾非不信淨土亦非薄淨土而不往但東方有佛吾東往西方有佛吾西往天堂地獄但有佛處吾則隨往非必專求西方之極樂世界也此說甚高玄狀不可以訓非初發菩提心者所能也經云譬如弱羽止可纏枝世尊示韋提希十六觀法必先之落日懸鼓以定志西方而古德有坐臥不忘西向者豈不

淨土真鑑

知隨方皆有佛國耶。大解脫人。任意所之。如其不狀。
恪遵佛敕。已上纂蓮池竹窓

辨念佛修觀非執着取相

或謂求生淨土念佛修觀。皆是執着取相。非超越之法。夫佛言不着相者。蓋令不着我人衆生壽者。不住所修法。相遣蕩人法。二執。卽達人法。二空。何嘗以繫念進修爲着相乎。若謂修念佛三昧者。定非着相者。所能幾以佛身無相無可着耶。夫般若真空原爲修六度人。令不住相。若六度不修。般若焉用。真學道者。達修無修了念無念。終日修而未始修。終日念而未

嘗念。故經云。無我人衆生壽者。修一切善法。則得阿耨菩提。是知了達之士。原未嘗不修善法也。

觀經義疏

辨念佛不可輕視

世人稍利根。便輕視念佛。謂是愚夫愚婦。勾當。彼徒見愚夫愚婦。口誦佛名。心遊千里。而不知此等是各讀佛。非念佛也。念從心。心思憶而不忘。故名曰念。試以儒喻。儒者念念思憶孔子。其去孔子不亦庶幾乎。今念念思憶五欲。不以爲非。而反以念佛爲非。噫。似此一生空過。何如作愚夫愚婦耶。惜乎。智可能也。愚不可能也。

辨參究念佛

洪武間有空谷天奇毒峰三大老共論念佛。天毒二師俱教人看念佛是誰。唯空谷謂只直念去亦有悟。日此二各隨機宜皆是也。而空谷但言直念亦可。不曰參究爲非也。疑者謂參究主於見性。單持乃切往生。欲廢參究而事單持。言經中止云執持名號曾無參究之說。此論亦甚有理。依而行之。決定往生。但欲存此廢彼。則不可。蓋念佛人見性正上品上生事。而反憂其不生耶。故疏鈔兩存而待擇。請無疑焉。已上蓮池竹窓

辨念佛融通宗教

問人若一日以至七日或匝月經年。翹勤勇猛。一心不亂矣。後爲他師所奪。令入宗教二門。雖兩俱無成。猶不離佛門也。臨終時佛肯收之否。答卽念卽佛。則念佛何非宗析空而念藏也。體空而念通也。次第而念別也。一心而念圓也。則念佛何非教一舉雙得。誰謂無成。前通後融。不名爲奪。如是往生。固無疑矣。祇恐自生分別心。挂二途。愆由已生。非佛法咎。

辨念佛心性身名

問觀經言觀佛心者大慈悲是世人若能放生戒殺。

清江齋
卷二
仁民愛物以至九種衆生皆滅度之而不作滅度想
遂與法藏之心契矣。且又不違釋迦觀心之訓。奈何
取觀身與稱名之龕迹而反以佛心爲助緣耶。答念
佛有二。一者念佛心性。二者念佛身名。念心性者見
真佛也。不妨觀光明相好之佛於西方。念身名者見
應佛也。亦能覩自性天眞之佛於象外。本迹雙舉。理
事同原。心性良非助緣。身名豈云龕迹。今五部六冊
之徒。藉口無爲。揆空因果。障人禮像。嗤彼稱名。古德
有言。人丹霞方可劈佛。個百丈始可道。無其或
未狀入地獄如箭射。

辨理事非二心
問慈雲開理一心事二心。夫一心窮理。一心作事。是
二心互起。奚云不亂。答智一也。而明權實非裂智以
成雙心。一也。而說妄真。不破心而爲二。觀有理事。亦
何礙焉。譬之鏡像別而不離。水月分而不斷。就事而
思。其理在事中。從理而推其事。事非理外。何待兩
處起念。故理事者。一而二。二而一者也。

辨宜繁宜簡
問法藏十念。釋迦七日。從約也。至遠公與式公。而六
時而懺儀備也。士贊眉去焉。夫使七日十念。佛語非
子目辨宜繁宜簡

詎。何爲。又若是。不憚煩。而峻淨國。以拒人耶。答。大聖化人善權。自非一種。宜繁者。爲說繁。宜簡者。爲說簡。七日十念。非言易。以驕人。百倍之精專。七日勝乎一。生十念。超乎萬念也。六時禮懺。非言難。以阻人宿習。之濃厚。少時。則刮磨未盡。有間。則三昧難成也。龍舒日禮千拜。永明晝夜萬聲。攢眉而去。吾末如之何也已。

已上蓮池淨土問

辨往生早暮功決不虛

世有一生念佛。未是一心念佛。必不得生。若果真實用心。而未純一。雖今世不生。亦植生因。必於來世成

就三昧而得生。慎毋藉口曰。某某念佛。徒勞無功。遂謗聖教爲不足信。疏鈔

辨一念往生

問一念十念。往生淨土。何者爲正。曰。但一念往生。住不退地。此爲正也。如佛說謗佛毀經五逆四重。皆一念惡業成。墮無間獄。猶如箭射。今念佛生淨土。亦一念善業成。卽登極樂。猶如屈臂。前一念五陰滅。後一念五陰生。如蠟印印泥印壞文成。尚不須兩念。豈必至十念哉。又如經云。愛酪沙彌。生一念愛心。後生酪中。作蟲。斯皆一念。非十念也。至觀經十念。蓋爲邁疾。

厄羸力微心劣故須十稱彌陀以助其念若心盛不昧一念生焉亦猶栽植絲髮其茂百圍也

寶王論主

辨念力重大

疑念力輕微者衆生愚昧信有形之行業大不信無形之念力尤大何以故念力是行業根一切事業非念不成如人造罪無心造者重得輕報有心造者反是以念力重故如人無記分流俗鄙事耳提面囑亦復不記若心慧者種種難記之事一入耳根終身不忘以念力堅故蘇子瞻曰佛以大圓覺充滿十方界我以顛倒想出沒生死中云何以一念得往生淨土

我造無始業本從一念生既從一念生還從一念滅生滅盡處則我與佛同淨土決云人之念頭所係最急如水之必赴海如火之必炎上如利刃之必傷如毒藥之必殺無空過者念佛之念亦復如是如姪男子姪念堅故化爲猛獸延燒神廟又如月光童子觀想水故弟子開屋惟見清水又如僧清辨與外道論議外道堅執已見忽化爲石清辨書問於石上明日往視亦有答辭久之忽自破碎而吼聲於空中是等皆已念力堅猛無因變化云何念佛而佛不現當知念力是一切法中之王

辨業性本空

一疑結習濃厚者。凡夫但知業力。不知業性空。故若衆生業性實者。盡虛空界。無容受處。如黑雲障空。風至則滅。若雲實者。吹亦不去。虛空喻性。黑雲喻業。念佛喻風。又業性卽是法性。力用至大。以結使故。神力不現。如烏芻瑟摩聞空王佛說多婬人成猛火聚。却後徧觀四肢百骸。諸冷暖氣。神光內凝。化多婬心。成智慧火。夫同一熱惱。方其婬成大火聚。及其離成大寶燄。若婬性實者。云何是中而得三昧。是故迷成卽入胎獄。念成卽入蓮胞。

已上西方合論

辨心量廣大淨土非遠

問往生之說。其心現故。惟心所生。但今學者不能曉了。此旨。疑極樂遠隔十萬億國。恐難得到。答曰。生則決定生。去則實不去。真如佛性。本自無生。因緣和合。生卽無生。說了許多心外無土。土外無心。到這裏猶道。不曉此無他。只是妄認。自心在色心之内。方寸之間。不知自家心量。原自廣大。讚佛偈云。心包太虛。量周沙界。夫十方虛空無量無邊心量。都能包攝。恒沙世界無量無數。我心一周徧。如此看來。十萬億國。在我心中。其實甚近。何遠之有。命終生時。生我心中。

清上嘉金

辨八

其實甚易。何難之有。不見十疑論云。十萬億刹爲對。凡夫肉眼生死心量說耳。但使衆生淨土業成者。臨終在定之心。即是淨土受生之心。動念即是生淨土時。經云。一彈指頃。卽得往生。又云。屈伸臂頃。自信錄云。十萬億刹頃刻。至者心本妙。故此等重重喻說。皆言其生在自己廣大心中。甚近而甚易者也。天如或問

辨自心佛現

如來本願功德力故。令彼有緣衆生修集功德。則生自心變化。有來有去。是知淨業純熟。自覩佛身惡果。將成心現地獄。如福德勝者。執礫成金。業貧之人。變金成礫。轉變是我金礫。何關後字函第七卷

辨不往而往無生而生
湛狀常寂無有去來。衆生識心託佛。本願功德勝力。自心變化。有來有去。是知淨業純熟。自覩佛身惡果。將成心現地獄。如福德勝者。執礫成金。業貧之人。變金成礫。轉變是我金礫。何關後字函第七卷

辨不往而往無生而生
以生於自心。故不往而往。名爲往生。如華嚴解脫長者說華嚴重法界。不出一心。楞嚴十方虛空。皆汝心內。是知極樂之生生乎。自心。心無界限。則無西無東。去至何所。狀其易穢而淨。脫舊而新。離一得一。似有所往。名之爲往。豈從此向彼。如世間經城過邑之

往耶。解脫所說者、入法界品解脫長者言、彼諸如來不來至此。我不往彼。若欲願見安樂世界阿彌陀佛、隨意卽見。旣云隨意、則不越一念而生彼國。故狀其得生、名之往生。實無所往不往、而往不妨說。往究極而言、非但無往亦復無生。不生而生、不妨說生。疏鉢

辨欣厭取捨

若據平等法門、非垢非淨、則欣厭無地。折攝何施。但今生死凡夫、迷心逐境、頭出頭沒、無從出離、而復遮其欣厭。欲令直悟自心、是猶田蛙井鮒、不與之水、而反責以冲霄祇益沉淪。於事何濟。於是無苦樂中、示

苦示樂苦、以折伏樂、以攝受折、則激其頑迷、而令起厭離。攝則惕其懈怠、而俾生欣樂狀。後久在泥塗、始嫌汚穢。乍聞淨土、深起願求。此大火聚、彼清涼地、炎燒衆生、不得不避。此而趨彼方便度生法、自應爾生。彼國已見佛聞法、得無生忍方悟此心本來平等。論云、菩薩未得無生法忍、不能度生。須求生淨土、得無生忍已。方克有濟。故初心菩薩必先捨此苦處、生彼樂處。據此則捨苦者、正欲拔衆生之苦、取樂者、正欲與衆生以樂也。圭峰釋圓覺、種種取捨、皆是輪迴。大梅亦云、捨垢取淨、是生死業。此等語、非不極致。但

得旨則號醍醐。失意則成毒藥。充類至盡。何但捨婆。
垢取極樂淨爲取捨也。縱謂我土惟心而捨境取
心亦取捨也。縱謂我無取捨而捨此有取捨。取彼無
取捨亦取捨也。亦輪迴生死業也。寧知理隨事變。則
無取捨處。取捨宛狀。事得理融。則正取捨時了無取
捨故。菩薩示苦樂境。開取捨門。權實雙行。理事無礙。
故若水評圭峰疏。謂欣厭取捨雖謂迷真起妄。亦能
順教成功。但知全修卽性。則欣厭本空。况安養一門。
諸佛共讚往來法界。彌顯唯心。託彼勝緣。速登寶覺。
實生物歸棲之正路。至聖汲引之妙權也。

疏鈔

辨不信佛論

世人不信佛者。輒云西方諸佛古今何人親炙其容。
親聞其誨。何所據而云狀。不過彼氏創爲釋教著作。
經文互相標榜贊嘆。愚夫婦從而惑之。信之奉之。傳
於後世。化已大行。具有知識者。亦漸爲其所眩。由其
善惡禍福因果輪廻之說。能中人之隱。遂自天子達
於庶人。其間雖英君哲士。亦莫敢不信之。奉之而西
竺千城。從此永固矣。據佛入中國始有丈六金人之
夢。夫夢屬幻境。何足信也。又有佛髮佛牙佛骨之迎。
夫髮牙與骨爲朽物。何足信也。佛誠威靈不測。胡不

現身說法。俾疑者信者耳目焉。豈非一大快事。乃止以髮牙骨爲教化所被。令人何所別其真僞。且形長丈六髮長丈二。何怪誕而不經。宜爲儒者所斥矣。況佛不能逃生死外。而同歸寂滅。安在其爲佛也。狀則佞佛者。又果何所蒙其福也。世之謗佛毀佛者。心口牢不可破。約略如此。克復請從而辨之。四大部洲西方有阿彌釋迦。猶東土有大聖先師也。佛統其徒億萬。闡化西方。猶先師率其弟子三千。敷敎南土也。億萬之徒。親炙佛容。親聞佛誨。猶三千弟子。親炙師容。親聞師誨也。佛創立釋教。著作經文。古今莫不信之。

奉之猶先師創立儒教。著作論語。古今莫不信之。奉之也。如以不見佛而不信。應亦不見先師而不信矣。後人不能見前人。前人不及見後人。譬如陰能矚陽。陽不能矚陰。彼以佛爲不見而不足。信則赫赫上帝。明明百神。亦將以不見而不足。信與一切善惡禍福。因果輪迴之旨。易稱積善餘慶。不善餘殃。足決因果。精氣爲物。遊魂爲變。足證輪迴考之三聖。參之百世。寧有殊耶。乃若道本諸身。無徵不信。動物唯誠。化神莫測。夫佛寧假威權法術。故能以慈悲願力。沁人肺腑。攝人魂魄。致古今至尊至賤。至聖至愚。罔不皈依。

如是。豈謗毀佛者之聰明才德獨駕軼於先哲名流。而率臆矯誣肆無忌憚多見其僻且謬耳。唐宋韓歐闢佛大抵以佛產夷狄中國當擯之考迦毘羅國實居南瞻正中我國處其東北則佛土在西舜生東夷文生西夷皆以方隅遼濶言之儒者欲擯佛當先擯舜文矣中庸贊至誠聲名洋溢中國施及蠻貊詎蠻貊必爲中國所擯耶諸佛演法西方三界相通人天互印其生其滅俱有瑞應昭昭流傳中國兆於平載以前佛卽產於夷何傷今佛現在淨土必欲入穢土而救衆生夫亦愈知佛能化穢穢何能涅佛也又指

其教爲邪說誣民生死止此聚散之氣何有三世因緣抑知識神歷劫生死死生轉如轆轤四生十二緣未證真如誰能超此惡濁夫人有色身有真身色身無不壞之理惟色身脫而真身現此之謂了却生死先師曰未知生焉知死又曰朝聞道夕死可矣復何疑於佛又指其教爲無父無君佛經首四十二章其十章云凡人事天地鬼神不如孝其二親儒者言孝不過曰事親如事天佛言孝直尊之天地鬼神之上而謂之無父可乎其三十六章云六情旣具生中國難旣奉佛道值有道之君難何其愛中國而重明君

也。而謂之無君可乎。又指佛法乘中國氣虛而入。彼老氏尼父並生於衰周。豈亦乘氣虛而起耶。又指佛經竊取老莊餘濬。佛成道在無量劫前。著經三藏。十二部流傳茲土者。猶大海之一勺。自漢唐摩騰玄裝等所譯大乘。皇皇如日月。經天烏可與老莊並視哉。至以佛髮佛牙佛骨爲朽物。稽昔明王至聖。皆有冠履之藏。青烏家異人。往往有埋爪髮之家。豈非愛其身者。及其髮爪尊其道者。及其冠履。况天人導師。如佛。而中外供奉。其髮與牙與骨。何足異也。若以丈六丈二而怪之。無論馭世初生。每多奇形如獸。就孟子

所載湯九尺。文王十尺。使今人見此。不幾盡斥以爲怪。與更視夢爲幻境。議論繁興。漢明莫逃罪首之誅。狀則史書。良弼之夢飛熊之夢。兩楹之夢。盡不可信。耶。夢爲想。因思極通。神安知生非大夢。夢非大覺也。唐宜之云。余幼時父母望我成名。夢筆墨稍長。懷利濟民物心夢事業。今老矣。無夢可倣。乃惄心念佛。一意西馳。夢去隨處。見佛到處。是淨土世。以夢爲幻者。是猶見死者回生。述冥中事。縷縷詎直不信。以爲狀。且肆斥以爲妄也。汨滅善根。自悞悞人。當入地獄。如箭。迨夫人入地獄。備經痛苦。亦何能述以告人。間有

清江集
卷二十一
托夢訴其妻若子者。其妻若子夢中見之。聞之不覺。大慟而寤。寤後亦必以爲幻而不信矣。噫可嘆也。可悲也。彼韓之齊名有柳歐之高弟有蘇。乃大鑑碑銘。具見西來大意。長公禪喜播揚震旦。宗風他若司馬溫公富鄭公。品望頗出韓歐悉推篤信能仁。卽韓悅大顛歐悅祖印。未嘗不深相契合。合讀昌黎著作。旣以爲無因果。又以爲有冥道。其祭十二郎文死而有知。無知悲與不悲之論。抑何於生死大事游移莫定。若此宋范鎮不信佛法。謂子瞻曰。鎮生平所未見者。終不肯信。子瞻笑曰。恐未必狀。設公有病。延醫視脉。醫

按陰陽虛實而投藥。公亦豈能自見其脈而信之也哉。充復陋識蕪言。何足重輕。如來演說諸經。具在取而誦之。非金口所親宣。卽慈容之面白苦口婆心。任毀任謗。孔子作春秋曰。知我者其惟春秋乎。罪我者其惟春秋乎。辨不信佛應作如是觀。

周子辨不信佛論竟。有友人進而告曰。儒者闢佛。由孟子詎楊墨。孟子詎楊墨。由孔子攻異端。子亦儒家者流。奚爲而指其僻且謬耶。余曰。否否。孟子詎楊墨。謂楊墨之道不熄。孔子之道不著。是孟子詎楊墨非詎佛也。孔子攻異端。非攻佛也。楊氏爲我拔一毛而

利天下不爲。墨子兼愛。摩頂放踵。利天下爲之。抑思萬物皆備於我。舍成已何由成物。舍成物何以成已。楊墨執一不通。非孟子深惡而力辨之。斥爲邪說誣民。罪以無父無君。其釀禍古今寧直害已害人而已。斯誠大道之異端。孟子烏得而不詎之也哉。今取釋道。自利利他之言。參儒道成已成物之旨。有異乎無異乎。但儒道主經世。釋道主出世。古今治平天下之大法。非儒道不可。凡人解悟生死之大事。非釋道不可。方從事乎經濟。而盡謀出世。固不可。終淪胥乎業緣。而竟忘出世。亦不可。經世而力排從佛者。懼人主

惟苦空是尚。而不修治平之大法。不得不如。是出世而力辨毀佛者。憂凡人爲情欲所汨。而不了生死之大事。亦不得不如。是友聞余言。已憬然從坐起曰。子豈好辨哉。今而後不特佛教釋教不必分爲異同。併可作三教合一論矣。

續文附王載生佛法入中國考

三教之興。鼎峙咸賴老氏與尼父。並生中國。獨佛誕於西方。遂目爲夷教。併坐漢明之罪。而不知考核之未詳也。據范曄後漢書。西域傳明帝夢見金人長大。頃有光明。以問羣臣。或對曰。西方有佛。形長丈六。黃

金色。帝因遣使天竺問佛道法於中國。圖其形像焉。涑水通鑑。明帝初。感金人入夢。遣博士蔡愔等十八人奉使天竺。訪迦葉摩騰竺法蘭二僧。得經四十二章。及佛真像。歸。經藏之蘭臺石室。像繪之清涼顯節陵。又立白馬寺。是爲佛入中國之始。汪克寬考異註。帝聞西域有神。其名曰佛。遣使求得其書。大抵以無爲爲宗。貴慈悲不殺。人死精神不滅。隨復受形。生時所行善惡。悉有報應。永平間奏有周書異紀。紀釋迦佛生。周昭王甲寅二十六年四月八日生。時江河泛溢。大地皆動。五色光貫太微。太史蘇由卜曰。乾之九

五。飛龍在天。是君王之位。西方生大聖人也。王懼。基入中國。由曰。後一千年。聲教流被此土。王命刻石爲紀。埋之南郊。佛滅度於周穆王五十二年二月十五夜。滅時。乾坤震動。有虹十二道貫日。經天。太史扈多占曰。西方聖人入滅之象。又漢書成帝元狩中。將軍霍去病討匈奴。殺休屠王。獲其祭天金人。帝列於甘泉宮。金人手長丈餘。不設祭祀。燈香禮拜而已。又哀帝明壽元季。博士景慮受大月氏王口傳浮圖經。秦始皇時。西域沙門室利房至長安。帝囚之夜。有金人破獄而出。又列子載周穆王時。有西方聖人至。王爲

淨土最錄

列中天之臺又載孔子答太宰蕩曰西方有大聖人不言而民化不動而民不亂爲五帝三王之所不及是皆在白馬未入中國以前歷歷可考由此觀之佛法入中國在漢明之世中國之知有佛則不始漢明其所從來久矣

淨土了俗

娑婆之爲俗也苦矣知俗苦則當厭知俗外有極樂則當欣狀知苦知樂非大了了人不能衆生永劫帶來無明種子酣迷沉夢何日得了須剔起雙眉一睒看破自身一眼看破世間自狀求生淨土如呼之必吸刻不容待矣懷則師曰凡言觀心觀佛皆屬妄境意在了妄卽真不須破妄狀後顯真狀心佛之妄不須破而世俗之妄不可不破以破世妄淨土方顯故淨土顯而真心得而真佛現狀後

可言生死自如。遊戲三界。可言卽妄卽真。可言心外無土。至此則非俗矣。復何事了。曰出家有出家之俗。故非斷盡無明。俗正未易了也。問俗如何了。曰如亂絲不可理。抽刀立斷。故問人踞堂上方得盡見堂下。今人人身固俗中。何能了俗。曰解虎項金鈴還是繫鈴人。故述了俗第九。

了色身之妄

只這色身誰信。身爲苦本。盡貪世樂。不知樂是苦。因浮生易度。豈是久居。幻質非堅。總歸磨滅。自未入胞。

胎之日。寧有這男女之形。只緣地水火風假合而成。不免生老病死。彫殘之苦。上無絲線可掛。下沒根株所生。虛浮如水上泡。須臾不久。危脆似草頭露。倏忽便無。長年者不過六七十。以皆亡短命者。大都三二十而早夭。又有今日不知來日事。又有上牀別了。下牀時。幾多一息不來。便覺千秋永別。雪峰頌一盞孤燈照夜臺。上牀脫了鞢和鞋。三魂七魄夢來。未委明朝來不來。歎此身無有是處。奈誰人。不被他瞞筋纏七尺。骨頭皮裏一包肉塊。九孔常流不淨。六根恣逞。無明髮毛爪齒。聚若堆塵。涕淚津液污如行廁。裏面盡蛆蟲聚會。外頭招蚊虱交攢沾一。

淨土經

災一疾皆死。得人更大熱大寒。催人易老。眼被色牽
歸餓鬼耳。隨聲去入阿鼻口。頭喫盡味千般。死後只

添油幾滴。

長翹詩云、紅紅白白莫相瞞。無位真人赤肉團敗壞。不如豬狗相。只今便作死屍看。

此身無可愛惜。諸人當願出離。如何迷昧底尚逞風

流。矇董漢猶生顛倒。或有骷髏頭上簪花簪草。或有
臭皮囊畔帶麝帶香。羅衣罩了膿血囊。錦被遮却屎
尿桶。用盡好心百計。將謂住世萬年。不知頭痛眼花。
閻羅王接人來到那更鬢斑齒損無常鬼寄信相尋。
個個戀色貪財。盡是失人身捷徑。日日飲酒食肉。無
非種地獄深根。眼前圖快活一時。身後受苦辛萬劫。

淨土文。皮包血肉骨纏筋。顛倒凡夫認作
身到死始知非。是我從前金玉休他人。一旦命根

絕處。四大風刀割時外。則脚手牽抽。內則肝腸痛裂。
縱使妻兒相惜。無計留君假饑。骨肉滿前。有誰替汝。
古頌。父母恩深終有別。夫妻義重也分離。人情似鳥同林宿。大限來時各自飛。生底只得悲
啼痛切。死者不免神識奔馳。前途不見光明。舉眼全
無伴侶。過奈河岸。見之無不悲傷。入鬼門關。到者盡

皆悽慘。世上纔經七日。陰間押見十王。曹官抱案沒
人情。獄卒持叉無笑面。平生作善者送歸天道懨道。
人道在日造惡者押入湯塗火塗刀塗鑊湯沸若崖
崩。劖樹勢如山聳灌銅汁而偏身肉爛吞鐵丸而滿

口煙生遭剉磕則血肉淋漓入寒冰則皮膚凍裂身碎業風吹再活命終羅刹喝重生人間歷盡百春秋獄內方爲一晝夜延光集鑄湯爐炭詛幽壞劍樹刀山聳太清受罪要終八萬劫獄卒放行始魂魄雖歸鬼界身屍猶臥棺中或隔三朝五朝或當六月七月腐爛則出蟲出血臭穢則熏地熏天胖脹不堪觀醜惡真可怕催促付一堆野火斷送埋萬里荒山昔時耍俏紅顏翻成灰燼今日荒涼白骨變作泥堆寒山頌朋脂畫面嬌千樣龍麝熏衣俏百般今日風流都不見綠楊芳草鬪髑髏從前恩愛到此成空自昔英雄如今何在淚雨灑時空寂寂悲風動處冷颼颼夜闌而鬼哭神號歲久

而鵠餐雀啄荒草畔漫留碑石綠楊中空掛紙錢下頭難免如斯到這裏怎生不醒寒山云雀啄鵠食皮肉盡風吹日炙

髑髏乾目前試問傍觀者自己把形骸仔細看

大家具眼休更埋頭翻身跳出迷津彈指裂開愛網休向鬼窟裏作活計要知肉

團上有真人是男是女總堪修若智若愚皆有分但請廻光返照便知本體元無若未能學道參禪也且勤持齋念佛捨惡歸善改往修來移六賊爲六神通離八苦得八自在便好替天行化不妨代佛接人對衆爲大眾宣揚歸家爲一家解說使處處齊知覺悟教人人盡免沉淪上助諸佛轉法輪下拔衆生離苦

浮士居錄

四

海佛言不信何言可信人道不修他道難修莫教一日換了皮縱有千佛難救汝火急進步時不待人各請直下承當莫使此生空過泥一物長靈復是誰不百骸潰散離塵得此時通線路船體著地幾人知此文乃師子峰如如顏丙勸修淨業文

田園屋宅非着人物也夫妻子女非着人物也金銀財帛非着人物也其着人者乃臭肉枯骨之堆塲耳。有此堆塲引起認堆塲之妄念無端便生執着便道臭肉是我枯骨是我妻孥是我眷屬田宅金帛是我財產嗟乎世人何癡愚一至此也若是明心達性的人識得世間總沒要緊把我此身形撇在西風頭裏。

處處着個罷字何等了當所以道無着無着一味好藥臭肉枯骨何用商略西方有佛國名極樂念念不忘從今相約骨肉散時恰用得着無着

人身有真假世人多不知人之本性舍裏十方遍周沙界謂之毘盧法身人人有此但爲情塵所迷形骸所障不曾證得此法身者真身也如七尺皮囊乃地幻謂之色身乃假身也迷人不知本性真身而認此四大假身爲真如百千澄清大海水不認而認海中一浮沤泡沫以爲海也於是因此假身造種種罪業

淨土法金

王

宮室求高廣。以居此身。衣服求羅綺。以華此身。飲食求珍美。以飽此身。車馬求輕肥。以逸此身。聲色求美麗。以娛此身。於是人我分焉。貪慾嗔喜。是非榮辱。生焉。一。生。無。限。罪。業。悉。從。此。起。一。旦。變。壞。彼。四。大。悉。歸。烏。有。而。罪。業。乃。識。神。承。當。如。此。執。迷。不。悟。枉。受。輪。迴。誠。爲。可。憫。道。人。悟。其。爲。假。暫。時。寄。寓。粗。活。百。年。不。求。稱。意。不。爲。彼。而。造。罪。假。者。既。悟。則。真。者。現。前。山。河。大。地。全。露。法。身。不。執。浮。漚。便。見。大。海。丈。六。金。身。尚。屬。如。來。劣。應。由。旬。億。萬。方。是。盧。舍。那。身。知。此。而。後。可。以。觀。阿。彌。陀。佛。高。六。十。萬。億。那。由。他。恒。河。沙。由。旬。之。金。色。

身知此而益知淨土之當修矣。

身有真假○已上合纂

想右脚大指腫爛流惡水漸爛至脰至膝至腰左脚亦如此爛盡唯有白骨次歷歷觀看白骨分明盡見靜心觀看良久乃思觀白骨者是誰白骨是誰是知身體與我常爲二物矣又漸漸離白骨觀看先離一丈以至五丈十丈乃至百千丈是知白骨與我了不相干也常作此想則我與形骸本爲二物我暫住於形骸中豈可謂此形骸終久不壞而我常住其中如此便可齊死生矣况我去此則往淨土乎日日作此想更別有所得如人飲水冷熱自知不假於言傳也。

濟生房錄

齊生死

天人禮枯骨偈云汝是前生我我今天眼開寶衣隨
念至玉食自狀來謝汝昔勤苦令吾今快哉散花時
再拜人世莫驚猜又餓鬼鞭死屍偈云因這臭皮囊
波波劫劫忙只知貪快樂不肯暫迴光白業鎗銖少
黃泉歲月長直須痛棒打此恨猝難忘此言化俗則
可以爲誠狀則不可何則人神託於形骸之中所以
用形骸者皆神耳故爲天人者前世善用形骸者也
爲餓鬼者前世不善用形骸者也其得其失皆在當時
及其受報而禮之鞭之亦何益用形骸得失已上龍舒文

了世染之妄

圓覺謂輪廻以愛欲爲根本而此愛欲百計制之莫
可除滅雖不淨觀正彼對治而博地凡夫障重染深
祇見其淨不見其不淨觀法精微鮮克成就狀則如
之何經云欲生於汝意意以思想生今觀此想復從
何生研之究之又研究之不已老鼠入牛角當必有
倒斷處輪廻根本

昔佛行田間見遺橐在地指之曰毒蛇言已徑去有
耕夫荷鋤往擊之則遺橐也持而歸得金數鑑大喜
過望俄而聞於王責令輸官以爲獻少匿多楚掠備

至。徵。索。無。已。併。其。恒。產。俱。盡。他。日。遇。佛。泣。曰。瞿。曇。詐。
我。瞿。曇。詐。我。佛。曰。向。汝。道。毒。蛇。是。毒。蛇。否。嗟。乎。今。之。
蟹。于。毒。蛇。者。衆。矣。蟹。而。無。悔。而。復。受。其。蟹。者。亦。衆。矣。
豈。獨。一。耕。夫。哉。蛇喻

人。對。世。間。財。色。名。利。境。界。以。喻。明。之。有。火。聚。于。此。五。
物。在。傍。一。如。乾。草。纏。觸。卽。熾。者。也。其。二。如。木。噓。之。則。
熾。者。也。其。三。如。鐵。不。可。得。熾。者。也。狀。而。猶。可。鎔。也。其。
四。如。水。不。惟。不。熾。反。能。滅。火。者。也。狀。而。隔。之。釜。甕。猶。
可。沸。也。其。五。如。空。狀。後。任。其。燔。灼。體。恒。自。如。亦。不。須。
滅。行。將。自。滅。也。初。凡。夫。中。修。學。最。後。方。名。諸。如。來。
大。

聖人

對境
上蓮池

○已

前。事。過。去。空。今。事。眼。前。空。未。來。決。定。空。一。切。世。緣。佳。
者。如。彩。雲。簇。艷。惡。者。如。濁。霧。迷。空。今。人。於。順。意。則。生。
留。戀。拂。意。則。起。憎。嫌。徒。增。黑。業。實。相。安。在。惟。時。時。以。
空。觀。照。之。不。可。執。而。爲。有。自。障。吾。心。金。剛。經。所。云。無。
我。相。無。人。相。無。衆。生。相。無。壽。者。相。此。之。謂。般。若。真。空。
出。世。喫。緊。第。一。着。也。真空 ○ 合纂

世。間。咸。謂。最。不。堪。處。最。可。憐。憫。者。莫。如。鰥。寡。孤。獨。之。
人。予。竊。以。天。下。之。最。瀟。洒。最。快。活。者。莫。如。此。四。種。人。
惜。其。不。知。皈。依。淨。土。則。眼。前。既。無。靠。傍。死。後。終。墮。輪。

廻若此則誠苦耳。如其聞佛法起信樂。耑意西方。則生無掛礙死無牽絆。位登不退永離惡濁世間。孰有過於子狀一身。如斯人之解脫者而翻謂其堪憐憫哉。今人只爲認得身家太真眷屬太重。卽賢智之輩能輕功名安貧賤。至於兒女則斷斷擺脫不去。無子的不知無子之樂。有子的甘心牛馬之苦。大兒未了幼女又來。男幸方婚女又催嫁。波波劫劫那里容他。有念佛的時候全不想受了多少拖累。竟與你有甚相干。何如四種人乾淨了當。散誕逍遙。他不少人。以此人不來討債人不少他的。以此人不來還債。趁

此地步正好專意修行跳出生死真世間。第一快活人也大抵人生少一分愛戀便少一分纏縛。少一分纏縛便少一分業障。與世緣淺與佛緣深。速速念佛求生淨土。

四窮民○纂
程鸞淡話

吾杭有魯麻子者。中年謂其子曰。吾婚嫁事畢。尔曹亦能自立矣。吾將求閒。於是備棺槨。凡魂輜明旌鼓樂悉辦。諸子衰絰執杖引棺已肩輿隨後至西湖別墅。置棺中庭。遣子歸榜其門曰。今日方閑。至死不入城郭。嗚呼亦達矣。夫俗士具有家緣。其忙宜也。脫忙而曰今日方閑。出家者本閑也。乃勞形苦志奔利趨

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

名。而不知休息。當榜曰。今日方忙可也。袈裟底下失人身。下之又下。佛言常自摩頭以捨飾好狀。豈惟飾好。常自摩頭曰。吾僧也。頓捨萬緣。一心念道。今日方開

今剃髮染衣。便謂出家。憶是不過出兩片大門之家也。非出三界火宅之家也。每見人初出家。莫不具一假好心。久之又爲因緣名利所染。遂復飾衣服。置田產。畜徒衆。多積金帛。勤作家緣。與俗無異。經稱一人出家。波旬怖懼。今若此。波旬可以酌酒相慶矣。好心出家者。快須着眼看破。曾見深山苦行僧。一出山來。被數十信心男女。歸依供養。遂埋沒一生。況其大者。

乎。古謂必須重離煩惱之家。再割塵勞之網。是出家以後之出家也。出前之家易。出後之家難。予爲此曉夜惶悚。出家後出家○已上纂蓮池

楞嚴經云。理因頃悟。乘悟并消。事非頃除。因次第盡。悟後尚有修學。不是一悟便了。古佛菩薩從三大劫修成三劫以前。早已悟了也。問頃悟已了。何又事漸修。圓智禪師曰。頃明自性。與佛無二。狀有無始染習。故假漸修對治。令順性起用。如人喫飯。非一口便飽。靈祐禪師曰。如今初心。雖從緣得一念。頃悟自理。猶有無始曠劫習氣。未能頃淨。須教渠淨除現業流識。

卽是修也。不道別有法。教渠修行趨向。此語非澈法源底者不能道。今稍有省覺。便謂一生參學事畢者。何歟。悟後有修。合慕。既吸人染頭裝。首更曉悟後有修。合慕。

了富貴之妄

自貧賤而視富貴。見其氣燄薰灼。不勝垂涎之慕。狀當之者。未必真樂也。皇甫謐云。富貴擾神耗精。如一人喜怒不測。則憂在事主。同列人懷異志。則憂在羣情。因貪位而患得患失。緣爭權而伐異黨。同位愈高。則責愈重。寵愈隆。則忌愈衆。日中易晷。月盈便虧。倉卒事幾。一失稅駕。無所至求。爲匹夫而不可得。富家

翁持籌會計。竭一生心力以遺子孫。而百年興廢。事難逆料。身後所有。卒歸他人。譬蠶之結繭。這繭子是纏身的物事。自結自纏。將怨誰人。又是別人的物事。人只要這繭。誰要你這結繭的蟲。由是言之。富貴亦有何樂。純是苦耳。况富貴人到緊要處。與貧賤無二。蓋富貴勝貧賤者。皆無要緊事。如食以過飢。衣以禦寒。若衣而華。食而精。此於身心有何緊要。其他推此可知。至大利害處。老也病也死也。止此隻身獨當一面。之孤注。到鐘鳴漏盡。時光景帝王卿相。以至氓庶。總無人可代。總同一結。煞不增分毫。思及此。不由人

清江居錄
不當下心灰了也。

東坡在惠州時，佛印致書云：人生一世間，如白駒之過隙。三十年功名富貴，轉盼成空。何不一筆勾斷，尋取自家本來面目，萬劫常住，永無墮落？何乃膠柱守株，待人惡趨？子瞻胸中有萬卷書，筆下無一點塵到這地位，不知性命所在。一生聰明，要做甚麼？三世佛，則是一個有血性的漢子。子瞻若能脚下承當，把三十年富貴功名，賤如泥土。合纂

了浮生之妄。

一子人謂險子，多置姬媵廣嗣，獨不念身一而已？非

險身乎？世多知子之險，而忘身之險。七篇時文，幾級官位，數箱金帛，一區宅子，數畝田園，幾個嬌妻美妾，一場沒正經，沒要緊，閒是閒，非人人被他汨沒一生。個個打不出這般窠臼，虛碌碌忙迫，一場空已謝世。吁可悲也已！邵堯夫云：使吾却十年，亦可少集事。奈何天地間日無再中理。古語云：狂謀迂算百不就。惟有霜鬢來如期，又云如今休去便休去，若覓了時，無了時，皆至言也。胡不猛省於此。

嘗遍觀世間人，其知名當世者，亦是千百輩中好漢，却都將此世界認做是我常住不去的。世界由明眼

視之色色過影。一彈指間，便去了許多。正如木偶登場，暫時呼笑，被造物者將那線索提掛壁柱頭上。嗟哉！此圍木中間尺五地方，豈是汝住頭之地乎？一出打諱過後面，一出又出來了。只看眼前寒暑催人，何異流波閃電。回首四五十年前人物，倏忽澌盡。當時苦樂誰不執迷？而秋草冬蟬，形響俱化，別成一番景象，不及知矣。後之視今，猶今悲昔；迷者孟浪，悟者耽延。擾擾奔忙，那件實在？惟有亟亟性命，一途可登。極樂爲不虛此風中燭焰耳。古訓曰：是日已過，命亦隨減。先德示衆云：汝等出家，未曾立脚，得定忽已過三。

合纂

了生死之妄

四十年矣。伊菴權禪師至晚，必流涕曰：今日又只恁麼空過，未知來日何如。吾輩聞此痛切語，能不心戰毛豎？貪戀無益之虛事，消磨有限之光陰，想後追前，可歎可憫。

已別有負性崛強之夫。不耐束縛。伺守者少間。掙斷枷鎖。一往無前。似此決烈。彼安肯于未死前偷享餘生。或出不出。情懸兩可哉。噫。此亦我輩生死獄中一樣樣矣。第一種人。滔滔皆是。駕言於功名富貴。辛苦博來。極宮室妻妾之奉。以自娛樂。語以生死。恬不關心。語以生死外。別有出路。啞。狀第付一笑。以全不具信根故也。第二種人生來亦具宿根。禮佛談禪。護持教法。造寺齋僧。金錢不吝。狀挿足世網之中。名糧利鎖。如入荆棘叢。牽絆不得自由。夫人。生出世。一件大事。因緣。不專心去做。而欲以餘力及之。世間豈有楊

州鶴哉。雖生平作福。不離人天。生死關頭。總跳不出。亦緣其怖。生死心原未真切故也。如第三種人。不求生。富貴。但下死工夫。乃真能求出生死者矣。今見繅紗中人。呼天乞命。莫不哀其愚。而嗤其求生之不早。吾謂死囚求生太晚。比之我輩。猶爲蚤計也。死囚秋決。歲不過一月。一日前後。皆可寬狀打點。我輩在三界獄中。歲歲可死。月月可死。日日刻刻可死。賤死貴亦死。老死少亦死。惡人死。好人亦死。不序爵。不序德。不序齒。一息不來。便分今古。不早打點。姑待一刻。萬一卽此一刻。駕帖到來。劊子當面。手忙腳亂。何以禦

清江集

西

之。又袁中郎曰。衆生處五濁世。如囚處獄。以入獄者皆罪人。處人天者。皆是業報分限之身故也。狀罪人入獄時刻。求出以知。棘牆之外。更有許大安樂世界。故也。今衆生以煩惱爲家宅。以生死爲園囿。不知大鐵圍山。是我棘牆三界法場之外。各各自有家鄉樂地。諸佛憫此。爲分別淨穢。指以脫歸路程。而歲久拋業之人。了無歸處。諸佛又大建宅舍。以安之一。則往來獄門。爲治道途。一則長伺獄外修飾旅館。如是之恩。何身可報。經曰。如來爲一大事。出現於世。大事者。卽此事也。諸佛旣不惜垂手衆生。種種反戀。此毛頭。

獄喻

許事以小易大。死而不悟。何哉。

世人有言。積快活以防死。其意謂人世太苦。浮生太促。與倉皇而就謝。孰若縱樂以行休。萬一與化俱遷。追想生平。儘多樂事。較之窮蹙終身者。詎不勝彼一籌。如昔人所云。十聽春啼變鶯舌。三嫌老醜換蛾眉。是其類也。予曰。果爾。則是擔頭加重。鼎沸益薪。是名促死。何名防死。如佛言受。卽是空食。列數味放飭。卽空。出多驕從。旣到。卽空。終日遊觀。旣歸。卽空。爲善事畢。勤勞卽空。而白業具在。爲惡事畢。快意卽空。而黑業具在。世之爲白業者少。而爲黑業者多。是以一時。

之快意而造茫茫之業海也。以是防死果得策歟夫。
防死是大丈夫第一事。防死第一着無如了生死欲。
了生死無如念佛求生西方。又有一等世味籠罩他
不得的。以高尚爲志。以閒散爲襟。或詩酒陶情。甚局
換世。或棲心五嶽。嘯咏煙霞。此皆虛送居諸之徒耳。
其上則十種飛仙。三山羽客。非不逍遙鸞鶴。冲舉自
豪。無奈真性未明。生、死、未、了。樂天云。假使得長生。纔
能勝夭折。言長本對短。未離生死轍。不如學無生無
生。卽無滅。誠哉言也。防死

東坡云。日者韓持國婿王寔見訪。言持國自謂已癡。

老且將聲樂酒色以娛年。東坡曰。唯其殘年。正不當
爾。頃有一老人置酒會親友。酒闌語衆。奄奄且去。諸
子呼號。願留一言爲教。老人曰。只宜第一五更起。諸
子未喻。老人曰。唯五更可勾當自家事。自家事者。是
死時將得去者。且吾平居治生。今日就化。可將何者
去。諸子頗悟。請君言于持國。勾當自家事。與其勞心
聲酒。不若爲可以死時將去計也。○巴上合纂

醉生夢死恒言也。實至言也。世人大約富貴貧賤二
種。貧賤者固朝忙夕忙以營衣食。富貴者亦朝忙夕
忙以享欲樂受用不同。其忙一也。忙至死而後已。而

心未已也。齋此心以往而復生而復忙而復死。生死昏昏蒙蒙如醉如夢。經百千劫。曾無了期。朗狀獨醒大丈夫當如是矣。

醉生夢死

放牛居士叅無門老人得悟曰。大聰明人纔聞此事便以心意識領解。所以認影爲眞。到臘月三十日。眼光欲落向閻老子道。待我澄心攝念。却與你去。斷不可也。須是急叅急悟。又黃蘖垂示云。預先若打不澈。臘月三十日到來管取你熟亂狀。此打澈二字不可容易看過。不是通幾本經論。當得澈也不是坐幾炷香。不動不搖。當得澈也不是解幾則古德問答機緣。

作幾句頌古拈古。當得澈也。不是酬對幾句口頭。三昧滑溜。當得澈也。真實澈悟者。平日踏得牢牢穩穩。不動于戈。可以八面受敵。無常到來。安閒自如。不慌不忙。不怖不亂。何更待澄心攝念。勉強支吾耶。古人謂此事洞狀如桶底。驟脫爽狀如大夢得醒。更無纖毫疑處。方可所謂急叅急悟。吾輩當力圖之。

澈悟

黃魯直曰。深求禪悅。照破生死之根。則憂畏淫怒。無處着脚。但枯其根枝葉。自瘁此至論也。但未明言孰爲生死根者。又禪悅下要緊在照破字。若得禪悅。便謂至足。則內守幽閑。正生死根耳。須是窮叅力究了。

了見。自本性。則生死無處着。脚生死尚無處着。脚憂畏淫怒。何由而生。

生死根已上蓮池

了物緣之妄

千般裝點。只爲半寸之眼。百種音樂。只爲一豆之耳。沈檀腦麝。只爲兩竅之鼻。食前方丈。只爲三寸之舌。妙麗嬌嬈。只爲臭腐之身。隨順逢迎。只爲狂蕩之意。若能識破此理。便是無煩惱快樂之人。佛言衆生無始以來。認賊爲子。自劫家寶。謂惑六根之賊。而喪真性也。孟子言。惟聖人狀後可以踐形。蓋不惑於此矣。有姪女得道文殊問云。如何不瞋。答云。見一切衆生。

不生。又問如何見十八界。答云。如見劫火燒諸世界。妙哉言乎。蓋謂一切衆生。本來無有。唯因妄想中生。又何瞋之有。十八界。謂六根六塵六識。因有此種種故。生無量事。造無量惡。是故如劫火燒諸世界。若悟此理。雖未生淨土。已如生淨土矣。

六根

般若心經云。觀自在菩薩。照見五蘊皆空。度一切苦厄。五蘊謂色受想行識也。五者蘊積不散。以壅蔽真性。故謂之蘊。又謂之五陰。謂陰暗真性也。色身終歸於壞。受用隨時。卽過色受。豈不空乎。且如思想一物。旣得之。則無想矣。想豈不空乎。所行之事。回首尚如。

夢幻行。豈不空乎。識盡千種事物。再生。不復能識。識。豈不空乎。一切苦厄。皆從五者生。若能照見色身爲空。則不泥於色身。而畏死亡。是度過此種苦厄也。照見受用爲空。則不泥於受用。而貪奉養。又度過此種苦厄也。照見思想爲空。則不泥於思想。而意乃無所。着。又度過此種苦厄也。照見所行爲空。則不泥於所行。而可以息跡。是又度過此種苦厄也。照見辯識爲空。則不泥於辯識。而可以坐忘。是又度過此種苦厄也。故照見五蘊皆空。則度一切苦厄。此五者。皆不是真實。乃真性中所現之妄緣也。

五蘊皆空

金剛經二十七段。大意言真性。皆無所有。如虛空狀。此虛空謂之頑空。頑空者。直無所有。真性雖如虛空。而其中則有。故曰真空。不空。頑空則可以作。可以壞。若此地實。掘去一尺土。則有一尺空。去一丈土。則有一丈空。是頑空可以作也。若此器此室本空。以物置之。則實矣。是頑空可以壞也。若真性之空。則不可作。不可壞。本來含虛空世界。烏可作乎。無始以來。至於今日。未嘗變動。烏可壞乎。真性中俱無所有。無得而比。故不得已以頑空比之。是般若心經云。是諸法空相。謂諸法皆空之相。乃真性也。既皆無所有。狀有一

切衆生者。乃眞性中所現之妄緣耳。眞性如鏡。一切有生者如影。是眞性中所現之影也。影有去來。而鏡常自若。衆生有生滅。而眞性常自若。生滅既除。眞性乃現。蓋生滅者妄也。眞性者真也。故楞嚴經云。諸妄消亡。不眞。何待此。性上自諸佛。下至蠢動含靈。初無有異。其異者皆妄也。眞性

列子謂孔子廢心而用形。謂心已不養於物而廢之矣。唯用形以應物。予深愛此語。故雖勞苦憔悴。而不以爲失意。榮華奉養。而不以爲得意。蓋心不著於物也。因念菩薩了生死。乃託生於一切衆生中。以設教化者。以心不著於物。唯用形以應之耳。廢心用形已上龍舒文

了心念之妄

昔梵志兩手把花向佛作禮。佛告之言。放下。梵志兩手次第放下。筋言放下。梵志白言。俱已放下。佛言放下。那中間的。白未解其旨。後觀佛說偈云。若人靜坐一須臾。勝造河沙七寶塔。寶塔畢竟化爲塵。一念靜心成正覺。乃知正覺工夫全繇靜始。靜者一念不生。之謂佛心。至靜萬劫恒狀。衆生刹那就能靜。即是刹那之佛。一刻能靜。即是一刻之佛。但衆生心念憧憧。如葛生蔓。如繭抽絲。並沒住頭。直到疲倦睡去方休。

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

想干端謂之散亂。黑甜一覺謂之昏沈。二者循環盡彼形壽生死輪迴肇此矣。何也。生死二字卽生滅義一念起即是生。一念滅即是死。人生總在積生積滅中度此百年安得不在生生死死中遷流永劫皆緣心頭一點有不能放下者在故也。若念所當用者唯有念佛法門。蓋念本是妄以繫于佛謂之以妄遣妄從念佛而參究是爲以心究心。從念佛而悟是爲以心得心。雖云起念念實無起念之久久因念得心得心忘念念至忘念與無念同清淨湛一惟有一真而已此大勢至菩薩以念佛法門入無生忍也。夫獲無

生忍則無念矣。無念者靜之至也。宗鏡錄云前後際斷處一念不生時寂爾少時間無思心正住此心住之時便是本體。若佛心則湛然常住矣。以暫住之心習令漸上便是工夫。蓮池師曰昔仰山住禪院土地神欲參覲久不可得。一日師入香積厨見有損壞食器者不覺起念云信施可惜神遂得展禮則師於平日益一念不起者矣。故曰一念未起鬼神莫知而我輩從朝至暮浮思亂想不知幾千萬億欲超生死涅槃其可得哉錢孝直先生云我念臨行時有甚麼放他不下處若說世間放不下正恐跳他不出未免

再。來。還。要。戀。他。則。甚。若。說。此。身。放。不。下。正。恐。掙。他。不。
 脫。未。免。再。受。還。要。痛。他。則。甚。若。說。此。心。放。不。下。正。恐。
 斷。他。不。盡。留。爲。種。子。還。要。惜。他。則。甚。若。說。佛。法。放。不。
 下。正。恐。灑。他。不。開。執。成。法。縛。還。要。愛。他。則。甚。若。慮。慧。
 根。萬。一。迷。失。則。你。所。認。慧。根。正。是。命。根。正。是。八。識。其。
 怕。迷。失。一。念。正。是。執。我。七。識。分。別。六。識。正。須。擺。落。淨。
 盡。還。要。護。念。他。則。甚。至。於。清。淨。本。狀。元。明。妙。覺。不。容。
 挾。擇。無。可。任。持。直。至。一。切。不。見。一。法。不。存。方。得。全。現。
 你。向。日。迷。來。帶。了。如。許。種。種。的。來。今。日。悟。去。還。擬。將。
 了。那。一。件。去。乎。其。言。益。爲。超。卓。可。稱。一。絲。不。掛。者。矣。

放下 ○ 築丁

蓮各淡話

戒哉了邪教之妄

慈照宗主欲令大地衆生見本性彌陀達惟心淨土普皆覺悟菩提之妙道乃立普覺妙道四字爲定名譜克復嘗論之等衆生界曰普智達斯理曰覺德用無邊曰妙千聖踐履曰道又普者卽自心周徧十方之體也覺者卽自心智照不迷之用也妙者卽自心利物應機之行也道者卽自心通達中正之理也恒沙諸佛所證者惟此歷代祖師所修者惟此得生淨土者惟此未來學道者惟此如來出世大法總是利

生菩薩修行。纖毫不爲自己。後人以佛之心爲心。切宜究淨業本源。傳宗正印。一一理會明白。自信此法門。亦教人信此法門。自行此道。亦教人行此道。自發願往生。亦教人發願往生。自見本性彌陀。亦教人見本性彌陀。各稟正因。同歸正道。輾轉化度。盡未來際。斯誠續佛慧命于無窮。與世尊寧有二哉。顧有正則有邪。正能覺世。而邪更能惑世。正法難行。邪風易染。楞嚴十種魔民。皆因錯解華嚴十類魔業。悉昧正歸。如近世白蓮無爲圓頓涅槃長生受持等教。無非竊佛祖經論緒餘。創野狐之禪。播窮奇之惡。誑諸無識。

婪財倡亂。始猶附佛而揚其波。繼之角佛而標其幟。嗟嗟。未運法弱。魔強。釋教至是而壞亂極矣。約略言之。有謬解南無者。有謬解般若何以故者。有謬解念佛是誰。誰字者。有妄分男普女妙者。有妄分三字四字六字佛者。有妄分在家爲彌陀。教出家爲釋迦。教者。有捏稱釋迦去世。彌勒治世者。有捏稱燭光見鬼神者。有捏稱香烟斷吉凶者。有捏稱拔罪抽丁收法眷。轉男身者。有捏稱天堂掛榜。地府除名。長生超劫者。有以鏡照人。自見王侯冠服者。有呪水洗眼。具現空中佛像龍鳳幡幢者。有錯認夫婦爲一合相男女。

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

爲雙修者。有錯認不產後嗣爲不生。不絕慾心爲不滅者。有錯認三車。謂性是牛車。心是羊車。意是鹿車者。更有種種奸人。動將道門修養法。玷冒蓮宗。如妄執四大脉絡。以當寶網交羅。指方寸色心。以況彌陀安住。肺屬西而名金地。舌生津而號華池者。如妄立三十六關。七十二信。扭合怪事。謂之六門見性者。如僞作十六字經。攝氣歸臍。盡力奔送直至丹田者。如僞作達磨胎息論。趙州十二時別歌。龐居士轉河車頌。密授互持者。如妄指口爲諸惡門。鼻爲涅槃路。教人臨終緊閉其口。着力忍氣。使從鼻出。扭因字爲案。

透出此關。名爲出門一步者。又因字四圍。或云酒色財氣。或云地火水風。或云生老病死。不知此字呼作阿字去聲。宗門取以狀其忽有所悟。突地發此一聲。安得如許曲說也。如妄更十號。俱彰爲十號歸程。有鵲巢灌頂。蘆芽穿膝。玉柱龕禔。蛇入硯禪。波斯獻寶。天鼓不鳴。蓮花池乾。二祖斷臂。立雪齊腰。神光不現等目者。如佛光照徹幽明。因名超日月光。乃妄人指日月出時。教人吸吞其光。入腹自狀成寶者。如法華贊。如來最後方說此經。取譬轉輪王賞戰士。最後方出髻中珠。乃妄人指運氣入頂。教人學佛頂上有肉。

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

髻珠者如法華經曰諸漏已盡言不爲聲色香味觸法所惑乃妄人指人身七寶可成舍利將眼眵鼻涕津溺等盡取食之謂修無漏果者如兜率悅禪師示衆三關一見性二了生死三知去向乃妄人指人身丹田作內三關自足至腰爲外三關者如永嘉大師往曹溪禮六祖述正道歌云自從認得曹溪路了知生死不相干乃妄人指人身夾脊雙關作曹溪一派者又捏稱六祖云寧度白衣千萬不度空門半個僧今日無爲長生聳動俗家輒云未來彌勒佛現在持世專度居士不度空門任善知識輩必再生有髮方

得成佛作祖余親聞其說謾應之曰朕則主世之彌勒佛亦應頂上出髮矣一座大笑不聞永嘉云第一迦葉首傳燈二十八代西天記又云東土達磨爲初祖六代傳衣天下聞豈有度白衣不度空門之理乎如趙州和尚見僧必問到與未到只曰喫茶去院主問故和尚呼院主主應之亦曰吃茶去因是有趙州茶案乃妄人指喫津三十六次爲吃趙州茶又教人臨終點辰砂茶服之爲了悟趙州機關更有以飲小便爲吃趙州茶者一切如鬼如魅醉夢顛狂變亂是非互相排斥所謂一盲引衆盲携手入坑塹邪見既

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

深惡報靡極矣。古德云。修淨土者既定。正宗須破邪說。現生願常遇明師。不值邪見無惑。我心而生懈怠。甚矣邪。正分途非細故也。十方佛子。幸毋爲魔軍所陷。趨棘叢而墜地獄。慎之。勗之。

附破寄庫無益

遍覽藏經。並無陰府寄庫之說。奉勸世人以寄庫之費。請名衲誦經念佛。決意西方必得往生。若不爲此而從事寄庫。無論奢願無益。只汝志在陰府。死必入陰府矣。若云今生所積來生受用。是則生前善惡果報無憑。惟此不義所積之財。可以主持幽明。轉移造

化。恐無此昧昧之天道也。譬如人不務去惡行善。乃寄錢于禁子牢頭。待已下獄。則用錢免罪。豈不謬哉。

附誦經三戒

凡誦經切忌心生雜想。及隨衆混念犯此。則經文必有模糊斷續之病。非惟無益而有罪。可不戒與。如一人獨誦。須凝神不亂。方得逐字分明。如與衆同誦。務各人一卷。庶免換氣遺漏。古德恒以此言儆世。奈習不能破也。若便穢淨法。必以肥皂擦洗。又戒規云。洗滌不持。呢總掬。四大海水亦不能淨。淨滌呢云。唵。賀曩。蜜栗帝莎訥。淨手呢云。唵。主迦囉野莎訥。凡三遍。

淨土持驗

誦經人尤不可不慎

不善與惡。雖四大體本亦不無常情。故出不學資

。

公明

。

。

。

。

。

。

。

。

。

。

。

。

。

。

。

。

。

。

。

。

。

。

。

。

。

。

。

。

。

。

。

。

。

淨土持驗

有其理而無其事者不可爲訓也。有其事而無其驗者不可爲訓也。有其驗而或狀或否者不可爲訓也。今此法門有心淨土淨之理，而因有安養往生之事，而因有金臺寶池之驗，而因有古今賢聖往生無數之種種驗，如來垂訓非詭矣。紀徵驗者，即震旦國中窮鄉僻院，往往有獨行孤芳之輩，臨終顯赫而載籍，不及名，遂湮沒而失傳者，况自震旦而遍娑婆，遍十方，卽盡大地作墨，盡竹葦作筆，書

猶不能盡。姑取往冊中最灼著者。依類錄之。
 其間諸大導師。固堪鼓鐘當代遺照。無窮下
 至匹夫婦。一念斷疑。便具大丈夫作略。亦未
 俗之楷模也。往生集序云。繙素之流觀是書
 而歷歷指曰。某也以如是解脫而生。某也以
 如是純一而生。某也以如是精誠之極感格
 而生。某也以如是大悲大願而生。某也以如
 是改過不吝轉業於將墮也。而生。某如是上
 生。某如是中生。下生庶幾考古證今爲淨業
 者左券。至於古效多而今效寡。其咎安在。則

又所云。口淨土。心娑婆而堅勇明悟。不及前
 輩焉爾。清泰芙蓉有榮有悴。已實爲之。於淨
 土奚咎。世有盼故鄉而遙歸者。問途旣往。此
劉表云其前車也。述持驗第十。

比丘往生

東晉慧遠祖師。俗賈氏。雁門人。學通儒老。年二十餘
 聞道。安法師講般若經。豁然開悟。曰。儒道九流。皆糠
 粥耳。因刺染事之常。以大法爲已任。安嘆曰。使道流
 中國。其在遠乎。後入廬山。卓杖得泉。欲建蘭若。尚乏
 良材。感山神現夢。一夕大雷雨。天明。則木積如林矣。

刺史桓伊驚其神異。奏立東林殿。曰神運師嘗謂諸
教三昧。其名甚衆。功高易進。念佛爲先。遂與慧永慧
持劉遺民等。結社念佛。世號十八賢。又率衆至百二
十三人。同修淨業。製蓮華漏。六時禮誦不輟。跡不入
俗者三十年。每送客以虎溪爲界。時陶淵明陸修淨
至。師送之。與道契合。不覺過溪。世傳三笑圖焉。安帝
隆安元年。桓玄勸帝沙汰僧尼。謂廬山爲道德所居。
不在此例。師以書辨論得並免。帝遣使問。師表以聞。帝
何無忌。勸師候迎。稱疾不起。帝遣使問。師表以聞。帝
優詔答之。西土諸僧咸稱漢有大乘開士。每東向致
禮。羅什通書。稱師爲東方護法菩薩。師三觀聖相。默
而不言。義熙十二年七月晦夕。方從定起。見阿彌陀
佛身滿虛空。圓光之中。無量化佛。觀音勢至。左右侍
立。佛言我以本願力故來安慰汝。汝後七日當生我
國。又見佛駁耶舍。慧持。慧永。劉遺民在佛側前揖。師
曰。師志在先。何來之晚。師知時至。謂門人曰。吾始居
此。三觀聖相。今復再見。當生淨土必矣。至期端坐入
寂。年八十三。時八月六日也。潯陽太守奉旨樹塔葬
焉。謝靈運作銘。張野作序。歷代尊謚。所著有廬山集
十卷。粵稽淨土雖傳於震旦。至佛圖澄而著。由澄而

得道安。安之門有遠公。負荷至教。廣大聖道。名重帝王。法流天下。百世下推師爲淨業始祖。厥功顧不偉歟。

晉慧永。河內人。十二出家。旣而與遠公同依安法師。太元初。駐錫廬山。刺史陶範。捨宅爲西林以居之。絕志塵囂。標心安養。後義熙十年示疾。忽斂衣求屣。欲起。衆驚問。答曰。佛來迎我。言訖而化。異香七日方滅。

唐玄宗追謚覺寂大師。

晉曇順。黃龍人。幼從羅什法師講釋羣經。什歎曰。此子奇器也。後同廬山修淨業。時寧蠻校尉劉遵孝。翔

寺江陵。延順經始篤修。念佛三昧。宋元嘉二年。別衆坐逝。異香滿室焉。

晉慧叡。冀州人。遊學諸方。遠歷天竺。還關中。從羅什法師稟受經義。後預廬山蓮社。宋元嘉十六年。忽告衆曰。吾將行矣。面西合掌而化。衆見叡榻前一金蓮花。倏爾而隱。五色香煙。從其房出。

晉曇恒。河東人。童孺依遠公出家。內外典籍無不通貫。自入廬山。專志念佛。義熙十四年。端坐合掌厲聲念佛而化。

晉道炳。潁川人。幼師遠公。通經律言。與行合念佛三

淨土最錄
昧究心無間。義熙十四年豫章太守王虔入山謁敬請紹遠師之席。衆咸宗仰。元嘉十二年集衆念佛就座而化。

晉道敬。瑯琊人。祖凝之刺江州。因從遠公出家。年十七博通經論。日記萬言。篤志念佛。蚤夜弗替。宋永初元年。謂衆曰。先師見命。吾其行矣。端坐唱佛而化。衆見光明滿室。彌時方滅。

晉慧恭。豫章鄧城人。與慧蘭僧光等同學。蘭光繫念淨土。臨終皆有奇應。又五年。恭病篤。雨淚叩頭誓心。安養念不少間。見阿彌陀佛以金臺前迎。恭乘其上。

又見蘭等於臺上光明中告曰。長老受生已。居上品。吾等不勝喜慰。恭欣狀奮迅而逝。

晉慧虔。少出家。戒行精確。義熙年中。投山陰嘉祥寺苦身率衆後寢。疾屬想安養。誠祈大士。北寺有淨嚴尼者。宿德篤行。夜夢觀音從西郭門入。清輝妙狀。光暎日月。幡華益七寶莊嚴。尼驚異作禮。問大士何往。答云。往嘉祥迎虔公耳。虔神色如常。侍者皆聞異香。洎狀而化。

宋曇鑒。平生片善。廻向西方。誓願見佛。一日定中覲阿彌陀佛。水洒其面。曰。滌汝塵垢。浴汝心念。及汝身

口皆悉嚴淨。又於瓶中出蓮花一枝授之。定起乃與寺僧敘別。夜漸深。獨步廊下念佛。至五鼓。其聲彌厲。及明。弟子依常問訊。趺坐不動逝矣。

齊慧光居洛陽。著華嚴涅槃十地等疏。妙盡權實之旨。一日有疾。見天衆來迎。光曰。我所願歸安養耳。已而淨土化佛充滿虛空。光曰。惟願我佛攝受。遂我本願。卽彈指警咳。言氣俱盡。

梁道珍住廬山修淨業。夢有人乘船海中。問之。云往彌陀佛國。珍乞隨行。報云。汝未誦阿彌陀經。豈得同往。覺後念佛誦經。歷年不輟。將終四七日前夜。忽如

晝空中降白銀臺。因默記其事。書經函中。命盡之夕。半山以上。如烈火千炬。交相輝映。邑人遙見。謂是諸王禮觀。及旦。乃聞珍卒。後檢經函。知珍瑞應。宜生淨土久矣。

後魏曇鸞。雁門人。少遊五臺。感靈異出家。而性嗜長生。受陶隱君仙經十卷。後遇菩提流支。乃問曰。佛有長生不死術乎。支笑曰。長生不死。吾佛道也。乃授十六觀經。曰。學此則三界無復生。六道無復往。其爲壽也。河沙劫石。莫能比焉。此吾金仙氏之長生也。鸞大喜。遂焚仙經。而修淨業。寒暑疾痛。曾無少懈。魏主號

爲神。讐一夕室中見梵僧謂曰。吾龍樹也。久居淨土。以汝同志故來相見。讐自知時至。集衆教誡曰。勞生役役其止無日。地獄諸苦不可以不懼。九品淨業不可以不修。因令弟子高聲念佛。西向稽額而終。衆聞天樂自西而來。良久乃已。

隋智者大師諱智顥。姓陳氏。潁川人。母夢香烟五采。縈廻入懷。誕靈之夕。神光照屋。七歲入果願寺。聞僧誦普門品。一遍輒記。宛如夙習。十八出家。聞思大禪。師止大蘇山。卽往頂拜。思曰。昔日靈山同聽法華。宿緣所追。今復來矣。因示以普賢道場爲說。四安樂行。

師入觀三七日。身心豁然。宿通潛發。以所證白師。南嶽嘆曰。非汝莫證。非我莫識。此法華三昧初旋陀羅尼也。大建元年。至金陵闡化。陳宣帝創禪室居之。隋煬帝延師授戒。賜號智者。嘗披一破衲。說法天台二十餘年。疏觀經。著十疑論。法華玄義等書。勸人進修淨業。前哲所不能及。開皇十二年。於玉泉山創立精舍。關聖父子顯靈。求爲護法。十七年冬。將入滅。命侍者唱無量壽佛。及觀經題目。乃顧大衆。合掌贊曰。四十
八願莊嚴淨土。華池寶樹易往無人。火車相現。能改悔者。尚得往生。況戒慧熏修。行道力故。實不唐捐矣。

唱經竟復說十如。四不生。十法界。四無量。四諦。十二因緣。六波羅蜜。一一法門。言訖。唱三寶名。如入三昧。後有僧求知生處。乃夢觀音金容數丈。智者從後告僧曰。汝決疑否。再驗智者生西方矣。

隋道喻居開覺寺。念阿彌陀佛。日夜不廢。造像僅三寸。後於定中見佛。謂曰。汝造我像何小。喻曰。心大。卽大。心小。卽小。言訖。見像身徧滿虛空。告曰。汝當潔浴清淨。明星出時。我來迎汝。至時果見佛來。光明滿室。遂坐而化。

唐善導貞觀中見西河綽禪師九品道場。喜曰。是真。

入佛之津。要修餘行業。散漫難成。惟此劰切。速超生死。於是勤篤精苦。晝夜禮誦。激發四衆。每入室。胡跪念佛。非力竭不休。出則爲人演說淨土。三十餘年。不暫睡眠。日用衣食。粗惡自奉。凡有賑施。用寫彌陀經。十萬卷。淨土變相三百壁。修營廢墜。爍續明三衣鉢鉢。不使人持行。不共衆。恐談世事。從其化者甚衆。有誦彌陀經。十萬至五十萬遍者。有念佛日課萬聲。至十萬聲者。得念佛三昧。往生淨土者。莫能紀述。或問念佛生淨土耶。師曰。如汝所念。遂汝所願。乃自念一聲。有一光明。從其口出。十至於百。光亦如之。其勸

世偈曰。漸漸雞皮鶴髮。看看行步龍鍾。假饒金玉滿堂。豈免衰殘病苦。任汝千般快樂。無常終是到來。惟有徑路修行。但念阿彌陀佛。忽謂人曰。此身可厭。吾將西歸。乃登柳樹。向西祝曰。願佛接我菩薩助我。令我不失正念。往生淨土。言已。投身而逝。高宗皇帝知其事。賜寺額曰光明。世傳彌陀化身云。

唐法照。大曆二年。止衡州雲峰寺。慈忍戒定爲時所宗。嘗於鉢內覩五色雲。有梵刹曰大聖竹林寺。後詣五臺。見異光果得竹林寺。入講堂。則文殊在西。普賢在東。萬衆圍繞。而爲說法。照作禮問曰。末代凡夫。未

審修何法門。文殊告曰。諸修行門。無如念佛。我以念佛得一切種智。又問當云何念。曰。此世界西。有阿彌陀佛。彼佛願力不可思議。汝當勤念。毋令間斷。決定往生。後臘月朔。在華嚴院淨業道場。方憶二大士記。我往生乃一心念佛。忽見梵僧佛陀波利。謂曰。汝華臺已就。後三年華開矣。至期。謂衆曰。吾行矣。端坐而逝。師嘗於湖東寺。開五會念佛。感祥雲寶閣。覩阿彌陀佛及二菩薩。身滿虛空。又於并州五會念佛。代宗詔入京。教宮人念佛。亦及五會。號五會法師。

唐少康縉雲仙都人十五通法華楞嚴貞元中因詣

洛陽白馬寺見殿中文字放光探之則善導和尚西方化導文也師祝曰若於淨土有緣當更放光言已光明閃爍師曰劫石可磨我願無易矣遂至長安光明寺善導和尚影堂瞻禮忽見善導現空中謂曰汝依吾教廣化有情他日功成必生安養乃適新定乞錢誘小兒念佛念佛十聲與錢一文年餘無少長貴賤見師者皆稱阿彌陀佛念佛之聲盈滿道路又於烏龍山建淨土道場每升座高聲唱佛衆見一佛從其口出十聲則有十佛師曰汝見佛者必得往生時

衆數千有不見者悲傷自責因倍精進後二十一年十月三日囑道俗曰當於淨土起欣樂心於閻浮提起厭離心汝曹此時見我光明真我弟子遂放異光數道而逝塔於臺子岩號臺岩法師或疑佛從口出似涉怪異噫世尊逢醉象時手五指端出金光獅子其言曰我何有心於禦象哉以我無量劫來修慈忍力自朕而有獅子現焉我亦不知也今康公現佛亦無量劫來皈敬之所致耳何怪之有

唐懷玉台州人布衣一食常坐不臥誦彌陀經三十萬遍日課佛號五萬聲天寶元年見佛菩薩滿虛空

中。一人持銀臺來迎。玉曰。吾一生念佛。普取金臺聖衆。遂隱。玉彌加精進。三七日後。復擊金臺來。云。師以精進得升上品。宜趺坐以俟。三日後。異光滿室。謂弟子曰。吾生淨土矣。含笑而逝。郡太守段公作偈贊曰。

我師一念登初地。佛國笙歌兩度來。惟有門前古槐樹。枝低只爲墨金臺。

唐道綽。并州汶水人。十四出家。習經論。晚事贊禪師。學禪。又篤志神變。淨土之業。有僧定中見綽數珠。如七寶大山。平居爲衆講。無量壽觀經。將二百遍。人各掐珠。口稱佛號。或時散席。而彌林谷。六時禮敬。初不

廢缺。念佛日以七萬爲限。貞觀二年四月八日歸寂。聞而赴者。滿於山寺。見化佛住空天花下。散焉。

唐惟岸。并州人。約淨土爲真歸之地。行方等懺。服勤無缺。微疾見觀音勢至。二菩薩現於空中。岸召畫工。無能畫者。忽有二人自言能畫。畫畢。不見岸。乃告諸弟子曰。吾今往生。誰偕行者。有童子願往。岸令辭父母。父母謂爲戲言。未信也。頃之沐浴更衣入道場。念佛而化。岸撫其背曰。小子何得先吾行耶。因索筆讚二菩薩。有願以慈悲手。提獎共西行之句。讚畢長逝。唐僧銜。并州人。初念慈氏。期上生內院。年九十遇道。

淨土經疏
綽禪師得聞淨土始迴心念佛。日禮千拜。一心無怠。後有疾告弟子曰。阿彌陀佛授我香衣。觀音勢至示我寶手。吾其行矣。言訖而逝。七日異香不散。時有啓芳圓果二法師。目擊斯事。乃於悟真寺共折楊枝於觀音手中。誓曰。若於淨土有緣。當七日不萎。至期益茂。芳果慶忭。晝夜觀念不捨。忽覺臨七寶池入大寶帳。見佛及二大士坐寶華臺。光明輝映。芳果作禮。佛云。念我名者。皆生我國。又聞釋迦世尊與文殊菩薩以梵音聲稱讚淨土。復見三道寶階。其一白衣。其二道俗相半。其三唯僧也。云皆至心念佛者。得生此土。

耳後五日。忽聞鐘聲。曰鐘聲我輩事也。同時化去。唐懷感居長安千福寺。入念佛道場。三七日不覩靈瑞。自恨障深。欲絕食畢命善導大師不許。勸令精虔。三載感如所教。後見佛金色玉毫。得念佛三昧。製決疑論七卷。臨終合掌云。佛來迎我。遂卒。

唐辯才。襄陽人。潛修淨土二十年。未嘗自稱。嘗與護戎任公善。謂之曰。才必生淨土。期在十年。一日令弟子報任公曰。向所期已及。任公至。才曰。吾去矣。趺坐而化。衆聞仙樂西來。異香散漫。

唐大行居泰山。修普賢懺法。三年。感大士現身。晚歲

0 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

人大藏陳願。隨手取卷。得彌陀經。晝夜誦咏。至三七日。覩琉璃地上佛及二大士現身。僖宗皇帝聞其事。詔入內。賜號常精進菩薩。後一年。琉璃地復現。卽日而終。異香經旬。肉身不壞。

唐明瞻晚歲。赴志安養。或譏其遲暮。瞻曰。十念功成。猶得見佛。吾何慮乎。後因疾於興教寺具齋別道俗。時僕射房玄齡杜如晦皆與焉。日過午。整威儀念佛。遽曰。佛來矣。二大士亦至。竦身合掌而化。

吳越智覺禪師。諱延壽。丹陽王氏。遷餘杭總角時。誦法華經。七行俱下。二十八歲爲華亭鎮將。以官錢放

生坐。罪當死。臨刑顏色不變。文穆王異而釋之。令出家。依四明翠巖禪師。雜染受具。朝供衆。夜習禪。因覽智度論。念世人惡濁無能解脫。惟持名可以誘化。乃印彌陀塔四十萬本。勸化念佛。叅天台韶國師。發明心要。行法華懺定。中見觀音大士灌以甘露。慧性日明。因思宿願未決。登智者巖。作二闍。一禪定。一淨土。虔禱至心。七拈皆得淨土。乃專修淨業。後住永明日課一百八事。夕往別峰。行道念佛。旁人時聞螺貝天樂之音。忠懿王嘆曰。自古求西方。未有如是專切者。乃立西方香嚴殿。以成其志。賜號智覺。弟子一千七

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

百人度戒。約萬餘常與衆授菩薩戒。施鬼神食。放諸生命。悉回向莊嚴淨土。時號慈氏下生。著宗鏡錄。萬善同歸集。惟心安養等書。累百卷。開寶八年二月年九十八。晨起告衆。焚香跏趺而寂。後有僧自臨川來。經年遶拜其塔。人問故。曰。我病入冥。見王于殿左。勤禮僧像。云是永明壽禪師。凡人死皆經冥府。師獨徑生西方上品。王故欽奉其德也。

石晉志通。鳳翔人。因見智者大師淨土儀式。不勝欣忭。自是不向西唾。不背西坐。專心念佛。後見白鶴孔雀成行西下。又見蓮花開合於前。通云白鶴孔雀淨

土壤也。蓮花光相受生處也。淨土現矣。乃起禮佛而終。茶毘五色祥雲環覆火上。舍利鱗砌於身。夫唾必西避。坐必西向。繫念如斯。何事不辦。或曰。不已着乎。噫。諦觀落日。經有明文。智者大師始生而面西趺坐。乃至淨業諸賢。西向坐脫者。不着而能之乎。耽心濁境。終世安狀。纔念淨那便憂其着。嗟乎異哉。

宋晤恩姑蘇常熟人。年十三。聞誦彌陀經。遂求出家。終日一食。不離衣鉢。不畜財寶。臥必右脅。坐必跏趺。每布薩涕泗不止。偏誨人以西方淨業。及一乘圓旨。有疑不逗機者。答曰。與作毒鼓之緣耳。雍熙二年八

月朔日夜覩白光自井而出謂門人曰吾將逝矣絕粒禁言一心念佛夢一沙門執金爐焚香三達其室自言灌頂來此相迎夢覺呼門人至猶聞異香二十日說止觀指歸及觀心義畢端坐而化人間管絃鈴鐸之音嘹亮空中漸久漸遠自西而去。

宋省常錢塘人七歲出家淳化中住南昭慶慕廬山之風乃刺血書華嚴經淨行品易蓮社以淨行士大夫預會者稱淨行弟子王文正公旦爲之首一時公卿伯牧百二十人比丘千人焉翰林蘇易簡作淨行品序至謂予當布髮以承其足剗身以請其法猶尚

不辭况陋文淺學而有惜哉翰林承旨宋白誤碑狀元孫何題同社于碑陰孤山圓法師著師行業記天禧四年正月十二日端坐念佛有頃厲聲唱云佛來也泊狀而化蓮社始遠公次善導旣而南嶺五會永明臺岩終於法師號稱七祖勸化之盛猗與盛矣宋遵式台州人葉姓其母禱于古觀音生之二十歲受具學律於守初繼入國清誓傳台教歎指于普賢像前力行般舟三昧篤志安養苦學嘔血以死自誓忽如夢中見觀音垂手指其口引出數蟲又指端出甘露服之覺身心清涼宿疾遂愈淳化初衆請居寶

雲講說無間度弟子百餘人依千數。惟宗淨土勸人著淨土決疑行願。大小本彌陀懺法。晨朝十念法。往生禪觀法行世。天聖間將化之日。炷香禮佛。願諸聖證明。往生極樂。至晚坐脫年六十九。衆見大星殞于靈鷲峰。時號慈雲懺主。蓮大師曰。克勤懺法自行而垂。則萬世誠今古一人與。至歿指歛臂乃得忍大士所爲。非初心境界甚。則生身活焚附魅著邪貽害不。小求西方者。當學慈雲篤志苦修。不必效噴歛指以炫衆也。

宋宗坦潞州人。申氏子。年十六。師道恭淨髮五十年。

名播講林。晚於唐州青臺鎮專求淨土三業四儀。曾無暫忘。政和四年四月二十七日。夢阿彌陀佛謂曰。汝說法止六日。當生淨土。覺而白衆。至五月四日。集衆告曰。因緣聚散。固當有時。淨土勝緣。惟憑時刻。願衆念佛助我往生。言已。坐脫。滿空雷鳴。白雲覆地。三日方歇。所持瑪瑙數珠盤於指上。衆取之。竟不能下。宋子元。號萬事休。茅姓。母柴氏。夢佛入門。次早生之。因名佛來。父母早亡。年十九。投延祥寺。志通出家。習尋來尋去。轉沉吟。忽狀聽得慈鴉呌。始信從前錯用。

心於是利他心切。普勸念佛代爲法界衆生禮佛懺悔。祈生安養。朔白蓮憲堂。述四土三觀。邀佛圖開示。蓮宗眼目。立普覺妙道四字。以定名派。高宗皇帝召見。賜號慈照。後於鐸城。三月二十三日。告衆曰。吾化緣已畢。時當行矣。言訖。合掌示寂。荼毘舍利無數。敕賜最勝之塔。

宋法持居化度寺。修彌陀懺願。促閻浮之壽。早生安養。後小疾。雨淚悲號。祈垂接引。厲聲念佛。不絕。忽見佛身丈六。立於池上。卽自言曰。我已得中品生。西向而化。

宋基法師學於寶雲。住太平興國寺。精意念佛。一日示疾。爲弟子廣談玄旨。衆忽見西方現光。空中奏樂。師曰。阿彌陀佛與二大士俱至。卽右脇西向而化門人夢阿彌陀佛。授記爲超世如來。或夢師坐青蓮花臺者。法智禪師嘆曰。臥病談玄。臨終見佛。是可敬也。宋若愚居雲川仙潭。建無量壽閣。勸道俗念佛。精勤三十年。與道潛、則章二師爲友。潛能詩近名。愚與章惟務實行。將順世夢神人告曰。汝同學則章得普賢諷觀經。端坐默朕。忽云淨土現前。吾當行矣。書偈而

化偈曰。本自無家可得歸。雲邊有路許誰知。溪光搖落西山月。正是仙潭夢斷時。又曰。空裏千花羅網夢。中七寶蓮池。踏得西方路穩。更無一點狐疑。宋宗頤。號慈覺。襄陽人。禮長蘆寺秀禪師出家。願力弘深。洞悟禪理。元佑中。迎養老母于方丈東室。勸以策勵念佛。七年不間。母臨終果無疾善逝。師勤修化物。遵盧阜之規。建蓮華勝會。其法日念阿彌陀佛。或百聲。千聲。萬聲。各于日下。以十字記之。一夕夢一少年。烏巾白衣。風貌清美。告師欲入彌陀會。乞書一名。頤秉筆問名。曰普慧。又曰。家兄普賢。亦求附錄。遂隱。

師覺謂諸耆宿曰。華嚴離世間品。有普賢普慧二菩薩。助揚佛法。今同大眾結會念佛。期生淨土。感賴聖賢幽贊。錄中乃以二大士爲首。遠近向化。誤坐禪箴。葦江集。又有勸孝文一百二十則。大意以勸親修淨業爲出世間孝靈芝照公稱爲近代大乘導師信哉。臨寂念佛坐化。

宋知禮。號法智。居南湖。述妙宗鈔。大彰觀心觀佛之旨。每歲二月望日。建念佛施戒會。動逾萬人。又撰融心解。明一心三觀。顯四淨土之義。後於歲旦建光明懺。至五日召大衆說法。驟稱佛號數百聲。奄狀坐逝。

0 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

清獻公塔

趙清獻公作銘其塔。

宋有嚴住台州赤城崇善寺。依神照學天台教。晚年結茆櫧木之下。號曰檮菴。平生篤修淨業。有懷安養故鄉詩。爲時所傳。建中靖國元年夏四月將終。見寶池大蓮花。天樂四列。乃作餞歸淨土詩示衆。後七日跏趺而化。塔上有光如月。三夕方隱。前法祥鏡光現於壁端。今嚴公月光現於塔上。皆身心瑩徹之明驗也。乃至光明滿室者。金光彌亘江上數百里者。嗚呼。是可以僞爲乎哉。

宋智廉居上虞化度寺。初徧參宗門晚節一意西方。

慶元改元秋八月別衆曰我夢中見阿彌陀佛大眾圍繞說法。佛云諸善人等當須專心淨業來生我國。我見勝相往生必矣。乃書偈曰。雁過長空影沉寒水無滅無生蓮花國裏書畢。回身向西結印而逝。宋懷義溫州樂清人。父業漁。懷禪時坐船尾。隨父得魚。私投水中。父怒受撻無悔。遂辭親出家景德寺。天聖中試經得度。稟法于翠峰顯禪師。凡五住道場。惟化衆念佛。有勸修淨土說。示寂之夕。其徒智才問壘塔已畢。如何是畢竟事。師豎拳示之。推枕而逝。宋宗本常州人。貌豐古性質直。蚤參懷禪師念佛有。

省深入三昧初住蘇之瑞光寺。杭守陳公襄以淨慈懇請借師三年植福此邦未幾神宗闢相國寺。六十四院詔本住慧林召對延和殿既退上目送之顧左右曰真福慧僧也平居密修淨業老居靈嵒閉戶勤雷峰才法師神遊淨土見一花殊麗問之云待淨慈本禪師又資福曠律公定中見金蓮花人言大宋國僧宗本之座特至謁師禮足施金而去元符二年十二月甲子沐浴告衆入座若睡撼之去矣門人塔全身于靈嵒謚圓照禪師

宋元照住靈芝弘律學篤意淨業念佛不輟一日令

弟子諷觀經及普賢行願品趺坐而化西湖漁人皆聞空中樂聲

輪門本題書入骨肉天下目高
宋慧亨住武林延壽寺初依靈芝習律專修淨業六年

十年每對人必以念佛爲勸建寶閣立三聖像最稱殊特有江自任者忽夢寶座從空而下云亨律師當升此坐適社友孫居士預啓別亨卽在家作印而化師往炷香歸而謂其徒曰孫君已去吾亦行矣乃集衆念佛爲說偈曰彌陀口口稱白毫念念佛持此不退心決定生安養端坐而化號清照律師

宋智圓居西湖孤山廣解諸經刻心淨土造彌陀疏

及西資鈔勸發往生。臨終坐化以陶器合瘞。後十五年積雨山頽。啓視陶器形質儼然。爪髮俱長。

宋可久居明州常誦法華願生淨土時號久法華元祐八年年八十一坐化越三日還謂人曰吾見淨土境與經符契蓮花臺上皆標合生者名一金臺標成都府廣教院勲公一標明州孫十二郎一標可久一銀臺標明州徐道姑言訖復化去五年徐道姑亡異香滿室十二年孫十二郎亡天樂迎空皆如久所云宋中峰和尚諱明本錢塘人得法于天目高峰慧辨無礙密修淨業有懷淨土詩百篇道德斗山龍象文

參朝廷屢遣使賜金帛敕號普應國師春秋六十二示寂之日光明燦發塔天目山中

宋瑩珂受業雪川瑤山酒炙無擇忽自念梵行虧缺恐從流轉取戒珠禪師往生傳讀之讀一傳一首肯汝尚壽十年且當自勉珂白佛言設有百年閻浮濁既而室中面西設禪椅絕食念佛越三日夢佛告曰惡易失正命所願早生安養奉事衆聖佛言汝志如是後三日當迎汝至期命衆誦彌陀經乃曰佛及大衆俱至寂狀而化

元善住字雲屋蘇人性稟高潔不近聲利掩關六時

念佛誦持大乘禮拜懺悔久病不易吳中修淨土者和尚爲最縉白多取則焉終時異香滿室有安養傳谷響集行世元天如惟則廬陵人得法中峰妙悟出人建師子林菩提正宗寺于蘇城有臥雪立雪二室日坐其中念佛參學之流接武師單提直指之外復著淨土或問勸人終時靈瑞不一年六十九塔水西之原元普度丹陽人弱冠出家初參寶山慧禪師深器之居廬山東林寺篤修念佛三昧著蓮宗寶鑑十卷闡化京師法王寺灌頂國師進呈其書降旨褒美梓行

天下有開導人天續佛慧命復振東林之語臨終別衆念佛而逝世稱優曇宗主

明楚琦蜀人篤信西方因抵燕京聞樓鼓聲大徹洪武初三詔說法京都皇情大悅後築室號西齋一意淨業嘗見大蓮花充滿世界彌陀在中衆聖圍繞將示寂書偈示衆曰吾行矣人問何生答曰西方又問西方有佛東方無佛耶乃厲聲一喝泊狀而化明祖香江西新喻人於山東龍潭寺精修淨業有居士王傑者築菴延之未幾語傑云某日當歸家衆苦留香云歸安養家耳及期敷座西向坐逝舉龕入山

清江房錄
化火自焚

明蓮池大師諱祿宏，杭沈氏弱冠棲心佛乘。嘉靖丙寅，依無門性天雜染尋受具戒，單瓢隻履遍歷知識，時辨融笑巖兩禪宗最著。就叅多所契合，北遊五臺，感文殊放光隆慶辛未見雲棲山水幽寂，遂結茆終焉。環山多虎災，師爲諷經施食虎患以寧歲旱循田念佛隨足所至，時雨霑澍自此化道大盛。師獨闢淨土一門，融會三藏，指歸惟心。四方緇白頂禮聞道者相踵。名公巨卿如陸光祖、張元忭、馮夢禎、陶望齡、虞淳熙、宋應昌輩靡不心折皈依。師天性篤孝，每懷木

主出遊食則具供叢林濟孤必薦沈氏先宗慈悲幽冥自習餒口恒親設放屢有見師座上現如來相者觀力狀也。拯救物命誤戒殺放生。文城內外及山中俱置放生池。萬曆中慈聖太后遣中貴詢法賜紫衣黃金使者出金歸常住衣奉高閣未嘗挂體。師肩荷正法修四安樂行以念佛三昧普攝三根著彌陀疏鈔雲棲法彙二十餘種行世。臨終半月前入城別故舊弟子宋守一等曰吾將他往還山與衆話別亦如之。衆以師欲謝客輒居長壽菴莫測其故至期面西念佛端逝大眾哀請留囑閉目復開云老實念佛莫

換題。目時萬曆四十三年七月四日。世壽八旬有一。

僧臘五十。蓮宗之祖。匡山逮永明而七。海內論定。協一以師爲八祖云。

明湖廣黃州有無名僧專念阿彌陀佛。晝夜不撤。隨其所見皆稱阿彌陀佛。崇禎癸未黃總戎鼎守郡城。師大聲念佛。衝其道執之。適張獻忠攻黃州。師亦留城上。夜間念佛。且頻呼醒睡軍士恨之。縛投城下。未幾復在城上念佛。如是四次。每東城下則西城上。南城下則北城上。中軍白于總戎始敬禮焉。時黃州大饑。人相食。師出城外。飢民持刀化師捨身。師解衣示

衆云。俟我念佛千聲。卽食我念至三百聲。衆急欲加刃。忽有兵馬從空中來。飢民驚散。而師已在城中矣。山中獵人得一大虎。師募之放生。獵人索三十金。師止得四金。獵人云。汝能執虎耳三匝而不傷汝。則與汝虎。師遂授記。虎執虎耳三匝。縱之逸虎。皈依師不去。師與虎同住黃麻山金剛洞中。內相盧九。德督兵過黃州。詣山訪之。欲見虎。師語虎。止探頭于外。盧亦見全身。虎乃大叫躍出。盧亦皈依焉。師一日行街中。見一雞高聲念佛。雞亦隨聲而念。庚寅。師欲之武林。道經白門。寓秦淮河房。端午見遊船有巨公錢某。曾

饭依師呼云。錢阿彌陀佛亦在舟中耶。登岸見師。問同遊人知爲某某。放聲大哭曰。衆生以苦爲樂。如是錢懇示修行之要。師云。一心念阿彌陀佛。復云。我行後汝有所疑。可問覺浪。此明眼人也。或問唐宜之曰。師爲何許人。答曰。法界是阿彌陀佛身。師專提此覺世。當是佛菩薩應身示現。其神通妙用。特見性之餘事耳。特拈覺公使人嚮往。則覺公之修證亦可知矣。

明晉陵天寧釋海寶初值禪堂蔬腐。每晨起輒留腐菜數擔列寺門。遇行人募錢置其上。完則令賣者收

去。始携入供僧。遇不樂施者。務里許跟隨化之。不輕易人。余時年二十。會執此君軒。見其迂拙。向語絕不答片言。惟相視嘻笑而已。破衲虱盈于上。暇則席地念佛。恒拈虱易上下。總不離其身也。踰年募蔬腐外。更乞分釐。積至數金。便懇衆誦經禮懺。已則念佛回向。歷年如是。崇禎間。詞林鄭祚長。約師朝南海。已而却之。發棹後。每見師在陸前行。追之不及。迨登山入殿。又見師在上炷香。遣使伺同回復。不得。鄭抵郡。卽詣寺候師。弟子云。師沉臥已月餘。茶水俱不啜。昨方索飲起耳。鄭因述其神異。郡人由此欽信師。一日廖

君可來別師。師囑曰。某月日可相晤以了世緣。廖如期至。師煮茗酌云。煩居士爲老衲作一小影。君可寫就。不特形神迥肖。卽敝衣懶虱亦覺歷歷浮動。殆化工筆也。越旬日。趺坐念佛而化。戊子秋。余遠行甫歸。禮師像。悽狀有感。己亥小春。往生書竣。述師大略如此。

宰官往生

晉劉程之字仲思。彭城人。漢楚元王後。少孤。事母以孝。聞負才不侶。流俗初解褐爲府參軍。卽隱廬山。謝安劉裕交薦。不就。旌號遺民入遠公蓮社。與雷次宗周續之。宗炳。張詮等共修淨土。饒石爲誓。又著念佛三昧詩。以表切志。坐禪注想。半載卽于定中見佛光。照地。皆作金色。居十五年。正念佛時。又見阿彌陀佛。玉毫光。照慰接摩頂。一日念佛。又見入七寶池。蓮華青白。其水湛然。一人項有圓光。胸有卍字。指池水曰。八功德水。汝可飲之。程之飲水甘美非常。及寤。猶覺

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

異香發毛孔。乃告衆曰。吾淨土之緣至矣。對像焚香。祝曰。我以釋迦遺教。故知有彌陀慈父。此香先當供養。釋迦牟尼如來次供阿彌陀佛。願一切有情俱生淨土。言訖面西合手而逝。時義熙六年也。異香郁狀七日而息。遠公爲撰紀德碑。蓮大師曰。觀經敘淨業正因。以孝親爲第一。今遺民少。盡孝養而復深入念佛三昧。屢感瑞徵。其往生上品宜矣。足爲居士修淨業者萬代師法也。

晉張野居潯陽。兼通華梵。尤善屬文。舉茂才。屢徵散騎常侍。俱不就。入廬山蓮社。修淨業。義熙十四年。與

家人別入室。端坐而逝。

宋王仲回官光州司士叅軍。常叩天衣懷禪師。有省念佛。楊次公守丹陽。屢就教云。經中教人求生淨土。而祖師云。心是淨土。不必更求。如何。楊公答曰。試自忖量。若在佛境。則無淨無穢。何用求生。若未出衆生。境。安可不至心念佛。舍穢土。而求生淨土乎。司士感悟。欣躍而去。後三年。楊公在丹陽。忽夢司士云。向蒙指示。今已得生。特來致謝。數日訃至。言司士七日前預知時至。與宗黨言別。而化正感夢時也。應入宋
楊傑後

唐馬子雲。舉孝廉。爲涇邑尉。押租赴京。遭風舟溺被

淨土長鑑

繫乃專心念佛。五年遇赦入南陵山寺隱居。一日謂人曰。吾一生精勤念佛。今西方業成。行且往生安養。明日沐浴新衣端坐合掌。異香滿戶。喜曰。佛來迎我。言已而逝。

唐白居易字樂天。官太子少傅。暮年盡遣妾侍。捨宅爲香山寺。號香山居士。出俸錢三萬。繪西方極樂世界圖。發願頂禮。日日向之念佛。以偈贊曰。極樂世界清淨土。無諸惡道及衆苦。願如我身老病者。同生無量壽佛所。又偈曰。余年七十。不復事吟哦。看經費眼力。作福畏奔波。何以度心眼。一聲阿彌陀行也。阿

彌陀坐也阿彌陀。縱饒忙似箭。不廢阿彌陀。有異人傳蓬萊有樂天名公。辭以偈云。海山不是吾歸處。歸卽須歸兜率天。今復捨兜率而求生淨土。豈所謂愈擇而愈精者耶。臨終安狀坐逝。往生有明驗矣。

宋張廸錢塘人。官助教。從圓淨律師受菩薩戒。咨問淨業法門。篤志修持。誓生安養。每念佛時揚聲勇猛。至失音猶不已。一日謂圓淨曰。定中見白色頻伽鳥飛舞於前。又三年西向端坐念佛而化。

宋王日休龍舒人。國學進士。博極經史。一旦捐之曰。是皆業習。非究竟法。吾其爲西方之歸。自是精進念。

佛年六十。布衣蔬食。日課千拜。夜分乃寢。作淨土文勸世。激切懇到。將卒三日前。徧別親識。有不復相見之語。至期如常禮念。忽厲聲稱阿彌陀佛。唱言佛來迎我。屹狀立化。如植木矣。稽其日課。有九百十二萬五百貼于壁。那人有夢二青衣引公西行者。自是家家肖像崇事云。丞相益國公周必大作贊。張子湖作序。

宋葛繁。澄江人。少登科第。官至朝散。平居日行方便。凡公署私居。必營淨室。設佛像。常入室禮誦。舍利從空而下。平時以淨業普勸道俗。多服其化。有僧定中

神遊淨土。見繁在焉。後無疾。面西端坐而化。

宋胡闡。官宣義平昌。雖信佛乘。而未諳淨土。年八十四。疾革。其子迎清照律師。乞垂誨示。照謂闡曰。公知安身立命處否。闡曰。心淨則佛土淨。照曰。公自度平昔時中。有雜念染污否。闡曰。旣處世間。寧無雜念。照曰。如是。則安得心淨土淨。闡曰。一稱佛名。云何能滅八十億劫生死重罪。照曰。阿彌陀佛。有弘誓神力。是以一稱其名。滅無量罪。猶如赫日消於霜雪。復何疑哉。闡遂省悟。卽日延僧念佛。次日照復至。闡曰。師來何暮。二大士降臨已久。照於是率衆厲聲念佛。闡乃

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

合掌而逝。按鬱往生得於清照，而迎清照者子也。豈非大孝歟？世有執小愛而破親齋戒者，誤亦甚矣。
 宋楊傑，無爲州人。號無爲子。少年登科官尚書主客郎。提點兩浙刑獄。尊崇佛法。明悟禪宗。謂衆生根有利鈍。易知易行。惟西方淨土。但能一心觀念。總攝散心。使佛願力。決生安養。嘗作天台十疑論序。王古直指淨土決疑序。彌陀寶閣記。安養三十贊。弘闡西方教觀。接引未來。晚年繪彌陀丈六尊像。隨行觀念。將終之日。感佛來迎。端坐而化。宣和中。荆王夫人神遊淨土。見公與馬圩坐蓮花云。

宋文潞公諱彥博。守洛陽日。嘗致齋往龍山寺禮佛。入殿。忽見像壞墜地。略不加敬。有僧詰之。公曰：像既壞矣。瞻仰何益。僧云：像無新故。道不生滅。公聞之。有省。作禮而出。後參淨嚴法師。普集十萬人爲淨土會。普勸念佛。臨終無疾念佛而化。

宋馬圩，字東玉。歷官侍郎。元豐中，僧廣益授以天台十疑論。公大喜曰：得所宗矣。至心念佛二十五年。崇寧中小疾。易衣坐逝。有氣如青蓋出戶。騰空而去。家人皆夢圩往生上品。

宋鍾離瑾，字公瑜。咸平三年登第。官至龍圖閣待制。

性至孝。母太夫人任氏卒。虛墓熏修。除服宦遊。日課利益二十事。遷浙江提刑。奉旨加禮慈雲懺主公究聞。指要篤修淨土。晚知開封。出則盡瘁國事。入則繫念佛號。忽夜促家人起。索浴更衣。坐逝。舉家見公坐青蓮仙樂導迎西往。

宋閻邦榮。池州人。二十年持往生咒。念佛將終。家人夢佛放光迎榮。及曉。榮西向趺坐。忽起行數步。曰。我去也。垂手結印。微笑而立。妻驚扶之。逝矣。

宋皆定國。號省齋。爲州學諭。專修淨土。嘗造擎窓圖印。施勸人念佛。又每月二八日集僧俗念佛誦彌陀。

諸經嘉定四年。夢青衣童子告曰。至尊召君。三日當往生。届期沐浴更衣。念佛坐化。

宋馮誠。號濟川。遂寧人。由太學登第。初訪道禪林。晚年專崇淨業。作西方文彌陀懺儀。後以給事中出帥瀘南。率道俗作繫念會。及知邛州。自知時至。於後廳設高座。望闕肅拜。着僧衣登座謝官吏。橫柱杖按膝而化。蓮大師曰。傳燈錄載公初參龍門。遠次參妙喜。各有證悟。臨終刻期陞座脫去。不言念佛往生何也。良由著述家彼此立義。各隨所重。彼重直指人心。自應專取了明心地。而略淨土。如懷玉金臺再至圓照。

蓮蓋標名皆不錄是也。此重指歸淨土故詳其生平念佛報盡往生而了明心性自在其中。如所謂既得見彌陀何愁不開悟是也。淨業人願篤信無惑。宋王古字敏仲東都人官禮部侍郎慈仁愛物深契禪宗又悟淨土法門之勝著直指淨土決疑集楊次公序之平生精勤念佛數珠未嘗去手行住坐臥悉以西方淨觀爲佛事有僧神遊淨土見古與葛繁同在焉往生宜上品矣。

元至正間吳子才字信叟蘇郡人與弟子章同叅雲屋受念佛法門精進無間子才致仕之後預作一棺

夜臥其中令童子擊棺而歌曰吳信叟歸去來三界無安不可住西方淨土有蓮胎歸去來自從而和之後無疾坐逝子章臨終脩狀念佛而化

宋蘇軾號東坡官翰林學士南遷日畫彌陀像一軸行且佩帶人問之答曰此軾生西方公據也母夫人程氏歿以簪珥遺貲命工胡錫繪彌陀像以薦往生

又老泉曾於極樂院造六菩薩像蓋蘇氏之販心三寶素矣世有刻西方公據者增以俚語謂出自坡公此誣也具眼者勿因僞而併失其真應在王休前

明朱綱京都人業儒中鄉舉三上春官不第乃就職

官二府致仕。專修淨土。日課佛三萬。十五年無少怠。臨終坐榻上。兩手擎珠。念佛不輟。異香滿室。乃云佛來也。速聲稱念而逝。

公難答。嘗以點頭踏出。自是公

明萬曆間。顧公寶幢。諱源志。修淨業與道友張老居士善疾篤。集僧俗十念阿彌陀佛唱和相續。張與焉公謂云。此時尚不見動靜。張云汝大錯。何用疑。須專切打起精神念佛。須臾間衆忽聞異香滿室。公自見身坐蓮華中。諸子悲戀不勝。諭曰。汝等謂我往何處。何處卽此處。諸佛迎我。三鼓啓行。我願旣遂。汝等之願亦慰矣。至期含笑去。少宗伯殷秋演公作傳。蓮大

師曰。身坐蓮華中生。則決定生也。何處卽此處去。則實不去也。此近時實事。明眼人叅之。或問余曰。公信修如是。但不見動靜一語。未免涉疑。余曰。此卽公往生正念也。認之確。故願之切。期之懇。故候之迫。若大旱之望雨。望其速來。惟恐其不來。復何疑于雨。

明海鹽朱元正爲諸生時。講孔孟之學。端方不苟。六十後深入禪悅。于宅後敝屋三楹閉關。不與家事門上題譬如我已歿了六字。每日功課午前諷法華經。一卷午後念佛千聲。庚申四月。唐宜之同其門人陳則梁訪之。公謂則梁曰。宜之向曾與汝書。勸子修淨

業可切聽之。旣而則梁曰：老師年高，盍少開酒禁。公曰：子意謂衰年，當藉數盃以調氣養血耶？不知我之生死已畫得斷。何復言此。公說畫得斷時，因以手在几上畫一畫，蓋已了生死矣。七月無疾，忽謂子曰：吾在此無事可行矣。子問何處去，曰：西方去。子及孫固留許之。至臘月朔，示疾不食，家人倉皇治後事。公曰：勿忙，此臘八半夜事也。預誠家人臨行時勿令婦女來過二三時，來亦勿哭。及期端坐而逝，時方雞鳴。比天旦，眷屬方至舉哀。公復醒，開眼而不開口，但搖首。令女人去，仍瞑目逝。爾時來去，自由如此。

明丁明登，號劍虹，江浦人。萬曆己酉，皈依雲棲大師篤信淨土法門，改號蓮偈崇禎己巳，受四戒于隱微。庚午受菩薩戒于大慧。萬曆丙辰登第，宦遊溫陵。每以出世大事開化，縉紳感悟甚多。守衢時，力禁屠牛，有無賴犯法，捕之急。知公敬僧，卽薙髮進。公令里甲察其還俗日，重懲之。其人勵志叅修，卒爲名衲。初任泉州司李憲批枷責公立法願納米者聽用，以贍獄貧犯。夏月修葺監舖，給香薷飲，葵扇。冬月設暖匣，椒薑，擇醫視病，更買素珠百十串，散衆囚念佛，恒語人曰：人在患難，發心者多。吾乘其悔恨，導之念佛，幸而

浮士居金

言

出獄爲良民矣。憫念室中閨流不聞佛法，請禪師演說大乘，令于幃內聽之。眷屬一時披剃者四人，聞蓮大師云有老嫗稱其夫念佛一心不亂，臨行一請而別。嫗由此深信淨土大師亦自此發心出家。公繪一請圖懸齋中，題詩有與君一請瞽狀去，珍重相逢九品蓮句。乙酉冬病劇，十一月朔具疏告佛，決意願求往生日焚一疏，至第十日粥飲如常，面色光潤，諄諄以同生西方。普勸親知就榻稍臥，寂爾長往。輯有故鄉消息，蓮漏清音，芥火苟商，淡話十餘種，皆淨土要書也。餘載嗣君菡生，萬萬香池遺事中。附念佛出獄

三則 萬曆間辨融禪師以輩語下獄，獄卒以師名重必多金厚索其酬。辨公曰：「僧家何處得錢？」獄卒以強盜匣床匣之。辨公向空唱云：「大方廣佛華嚴經，華嚴會上佛菩薩滿匣床，聒聒作响鎖斷床碎事。」聞提牢遂達御前，奉詔請出。崇禎間，大老下獄甚多，若事關封疆，無有免于大辟者。時山東撫軍余集生大成，在獄首唱念佛，諸公多從之。處决屆期，相聚念佛，晝夜不絕。滿壁忽現佛像，光明閃爍，衆悉驚禮。旋奉出獄。順治六年，覺浪禪師因刻書忤當事，下太平

獄。浪公教獄中人念佛。善言勸化。獄卒回心。亦持齋念佛。每至一更。浪公執小擊。獄卒持長香。過一號房。呼云。大衆一心念佛。犯人莫不號泣念佛。人餽布施。悉周貧乏。不數月。上官臨太平府入獄。躬釋浪公。因之清理監犯。輕罪多得宥放。

明唐宜之諱時。湖州人。參違池師。勤修淨業。初以明經別駕壽陽。繼輔襄國。舉家眷屬悉皈三寶。晨則各持經文。夕則同集念佛。崇禎辛巳仲春。閩賊破襄陽。公投端禮門左井中。家人掖之而出。氣已絕。復甦奉旨提究。得從寬典。旋請假歸里。而襄陽季冬五日再

陷矣。初不死于寇。繼不死于井。終亦不死于法。豈非慈悲默祐功德不可思議者耶。公自述數年來感應道交。丁亥臘八於長干寺念佛禮塔。見佛相於塔光。佛黃金色。光則如雪。如水。如明鏡。戊子七月五日。念佛于禪堂。開窓忽見鍾山浮巨海中。金佛巍巍祥光燦爛。瓦礫墻垣。喬木叢林。盡空不見。夫恒人見說西方極樂。過十萬億佛土。輒以爲遠。今由所見觀之。十萬億佛土。卽在目前。畢命彈指而生。詎非生于方寸。自心哉。法華經言。以父母所生之眼。能見天上天下。彼墻垣山谷。一切無礙。則其見十方世界。亦如見空。

中事耳。法華會上如來白毫相光照處地皆清淨琉璃無聚落城邑江海山川地獄餓鬼共爲佛土證此實其狀乎。克復憶癸巳年猶得奉公誨于白下嗣聞西馳之音瑞應彰彰愧余濁惡纏綿未遑考載狀據生前屢屢見佛如是往生之後侍佛左右宜矣。申馭乘所輯有蓮華世界書法音頻迦音等刻更有如來香一書表章世尊一代之時教周秦迄宋明數千年善知識之精神帝王卿相闡揚道法之義味粲狀畢陳于中以居士而證佛知見者近世惟公而已。

士民往生

晉閼公則入廬山蓮社得念佛三昧沒後友人於洛陽白馬寺夜中爲作忌祭忽一時林木殿宇皆成金色空中有聲曰我閼公則也志求極樂今已得生言訖無所見

宋周續之雁門人十二通五經五緯號十經童子養志閒居公卿交辟皆不就事廬山遠法師預蓮社文帝踐祚召對辨析帝大悅或問身爲處士時踐王庭可乎答曰心馳魏闕者以江湖爲桎梏情致兩亡者市朝亦岩穴耳時稱通隱先生後居鍾山專心念佛

清江寺金

愈老愈篤。一日向空云。佛來迎我。合掌而逝。

宋孫良。錢塘人。隱居閱大藏。尤得華嚴之旨。依大智律師受菩薩戒。日誦佛萬聲。二十年不輟。一日命家

人請僧念佛。以助往生。僧集念佛方半餉。望空合掌云。佛及菩薩已荷降臨。退坐而化。

應人後宋

梁庾銑。新野人。武帝召爲黃門侍郎。不赴。六時念佛。一夕見道人自稱願公。呼銑爲上行先生。授香而去。四年願公復至。遂化去。空中言上行先生已生安養。隋宋滿。常州人。計壹念佛積三十石。開皇八年九月。彌陀觀音勢至化僧乞食。滿曰。弟子願生西方供師。

深慰素心。齋畢。三僧向空而去。滿卽坐化。人見天華異香。從雲際西行不散。

宋王闢。四明人。號無功叟。凡禪林宗旨。天台教門。無不洞達。著淨土自信錄。晚年專心念佛。西向坐化。異香芬郁。焚龕時獲舍利一百八粒。

宋范儼。仁和人。絕心世務。其子不能治家。儼不之顧。但云。我自是寄客耳。日誦法華念阿彌陀佛。專心不懈。忽見普賢菩薩乘六牙白象。放金色光。報儼云。明日卯時當行。越一夕。佛菩薩來迎。就座合掌而逝。宋孫忠。四明人。早慕西方。於郡城東築菴。念佛。後因

0 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

病請僧百人繫念。忽仰空合掌。手結雙印。怡狀而化。闔城聞天樂異香。漸向西沒。二子相繼念佛。亦坐化。宋沈銓家錢塘。同妻施氏。專心淨土。平時諸善悉用回向。後及妻前後命終。皆感化佛持錫接引而去。宋計公。四明桃源鐵工也。年七十。兩目喪明。里中皆學諭。以擘窠圖印施。勸人念佛。計公初受一圖。念滿三十六萬聲。念至四圖。兩目瞭然。如是三載。念滿十七圖。一日念佛。忽氣絕。半日復蘇。曰。佛令分六圖。與智學諭。是勸導之首。分一圖與李二公。是依圖之人。囑其子往謝之。言訖。沐浴西向而化。

宋金輞。會稽人。網魚爲業。忽猛省持戒精進。日課佛號萬聲。久而弗替。後無疾。語家人云。阿彌陀佛與二菩薩。俱來迎我。我歸淨土去也。焚香端坐而化。邑人聞異香。天樂終日不散。

明劉通志。京都人。精懇念佛。年五十二。得疾。念益切。鄰人李白齋先卒。通氣絕。自旦至午。復甦。謂家人曰。適見一舟。云往淨土。乘舟三十六人。白齋與焉。我亦數內。但衣未新潔。又忘帶念珠。特艤舟相待。家人急爲易衣珠。掛其項。須臾而逝。

明唐廷任。蘭溪人。號體如居士。孝友醇慤。出自天性。

少遊齋校有聲已而覺世無常傾心至道參雲棲受念佛三昧遂力行之凡十三年如一日篤志西方萬曆癸卯仲冬六十壽旦忽謂諸子曰新春十一日吾歸矣數日前禮誦如平時至期盥漱整衣端坐手結印口稱佛名含笑而逝如入禪定

明楊嘉祐字邦華泰和人世家子也年十三持不殺戒蚤虱無所傷潛心淨土法門日誦彌陀經二十三肆業南雍俄疾作以萬曆乙巳仲冬十九日卒卒之先夢遊地獄見地藏大士於冥陽殿覺而放諸生命延僧誦經念佛謂人曰吾將逝矣青蓮花現吾前得

非淨土境乎遂晝夜念佛不輟命息燭曰汝輩假燭爲明吾不須燭常在光明中耳問何所見曰蓮開四色問見彌陀否曰見彌陀現千丈身問觀音曰身與彌陀等問勢至曰不見也言訖忽躍起拈香連聲語曰彌陀經功德不可說不可說吾已得上品矣寂狀而逝仲兄嘉祚傳其事而矢之曰予所詎語墮拔舌獄其亦見之眞而言之切歟不信淨土者可思已明郝熙載錢塘人法名廣定生平忠信不欺以德行稱於齋校晚歸佛持誦夙夜加虔萬曆辛亥春二月得疾每睡覺云吾夢於山中求見佛佛未見見百鳥

叢集如是累日。至二十七子夜忽云有二童子來迎。佛坐蓮花臺現吾前。吾往矣。吉祥而逝。

明戈以安法名廣泰錢塘人性至孝素積善行而深自韜晦不求人知。晚歲精誠奉佛與靈芝僧玄素結春秋二社念佛誦華嚴五經忽謂人曰吾大限將至當爲西歸資糧遂自室課誦昕夕不輟預定歸期於臘月二十一日前二夕母子環視悲哽居士笑曰生必有滅奚悲爲吾方凝神淨域面覲彌陀若等慎勿以情愛亂我正念諄諄惟囑助念無間雜語至期寂狀而逝。

明孫叔子法名大耳自幼敏而好學年十二隨父鏡吾公奉四十八願彌陀像入雲棲因受五戒歸斷葷血矢志念佛誓取金臺勤苦不惜身命俄見兩比丘持蓮花以一心淨土印可復見化人誦金剛經一晝夜乃覺狀起坐曰彌陀觀音皆來迎我結金剛拳印大呼阿彌陀佛數聲泊狀而寂時萬曆辛亥仲冬十一日有淨土十二時歌傳世詳具吳太史西生傳中。

0 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

東譜尼僧往生
唐尼大明志尚清修誓生淨土每入室禮念先着淨衣口含沉香文帝后甚重之將終之日衆忽聞沉香滿室俄而光明如雲隱隱向西沒焉

唐尼淨真居長安積善寺衲衣乞食誦金剛經十萬遍篤志念佛語弟子曰五月內十度見佛兩度見寶蓮花上童子遊戲吾已得上品生言訖跏趺而化祥光滿菴

唐尼悟性居廬山遇照閣黎教以發願念佛六時精進一心不亂大曆六年忽染疾聞空中音樂西來謂

左右曰。我神遊極樂已得中品上生見同志誠心念佛者皆有蓮華待之汝等應各努力言訖而逝面現黃金色時年二十四。

宋尼能奉錢塘人專修淨業嘗夢佛光照身及聞空中善言開慰告其徒曰吾往生時至少頃聞奉念佛聲甚厲奔往視之則合掌面西坐逝矣異香滿室樂音西邁而散吸雲煙西散宋尼法藏居金陵戒德甚嚴勤苦念佛每歲四孟月朔集同志諷經持呪大家善信翕狀從化示寂之夜見佛菩薩金像現其室中光明照寺端坐脫去。

宋尼婦女往生

隋文帝后獨孤氏雖處王宮深厭女質常念阿彌陀佛以八月甲子命終時永安宮北種種音樂自趺震响異香滿室從空而至帝問闍提斯那是何祥瑞對曰淨土有佛號阿彌陀皇后業高超登彼國故現斯耳。

宋葛濟之句容人稚川後也世事仙學妻紀氏獨精誠念佛元嘉十三年方在機杼忽覺空中透亮因投杼仰瞻見西方有佛現身寶蓋幢幡了了雲漢喜曰經言無量壽佛其卽此耶面佛作禮濟之驚異就之

紀氏指示佛所濟之亦見半身俄而隱沒祥雲五彩
隣里咸覩焉自是多歸佛法矣

唐姚婆因范行婆者勸令念佛後臨終見佛菩薩來
迎告佛言未與范行婆別請佛暫住空中范至姚婆
立化

唐溫靜文妻并州人久病臥床靜文勸令念佛一年
忽覩淨土告其夫云我已見佛後月當去囑父母云
今得隨佛往生願專心念佛他日西方相見耳言訖
而逝

宋鄭氏錢塘人日課觀音經念佛不輟後病中索浴

畢西向坐問家人云聞磬聲平淨土諸聖已至觀音
手執金臺如來接我登座遂奄狀而化

宋荆王夫人王氏專修淨業晚夕勤至給侍之人無
不則效惟一妾懈慢夫人責之遂悔悟精進忽無疾
而逝致夢他妾云蒙夫人誨已生安養夫人未信也
俄而亦夢與妾同遊寶池見一花天衣飄揚題曰楊
傑一華朝服而坐題曰馬耳復見金臺光明晃耀妾
指曰此夫人生處也旣覺彌加策進年八十一慶誕
之晨秉燭然香望觀音閣而立左右方具儀獻壽已
立化矣荆王哲宗叔也

宋廣平郡夫人馮氏名法信贈少師許珣之女適承宣使陳思恭少多病醫不能療參慈受深禪師教以齋戒念佛諦信力行十年不怠病尋愈忽厭世人怪之曰清淨界中失念至此支那緣盡行卽西歸何怪之有臨終氣絕復甦謂家人曰吾歸淨土見佛境界與華嚴十六觀經所說不異已而長逝三日後舉屍如生異香芬馥

宋宜人陸氏錢塘人朝請王璵妻也嘗誦法華篤意淨土禮懺一會念佛萬聲凡三十年因微疾忽聞天鼓自鳴人方驚異卽面西端坐雙手結印而逝

宋樓氏慧靜適寺簿周元卿嘗披玩傳燈發明見地尤以淨業爲真修念佛不輟晚年被疾忽見蓮臺紫色化佛無數異香滿室語家人亟令念佛頃刻而化宋秦氏淨堅家松江厭惡女身與夫各處精持齋戒閱華嚴法華光明般若經無虛日晨昏修彌陀懺禮佛千拜久之有光明入室面西安坐而終

宋吉安王氏女日誦彌陀經觀音普門品念佛求度母死既殮流血淋瀝女誓云若我孝心感佛願母穢氣不作言訖血止後父聚繼室與之同修淨土女臨終請僧說淨土觀法更衣吉祥而臥攬大悲所執幡

寂狀化去。

元鄭氏淨安錢塘人念佛日無虛度得疾聞空中聲曰汝行有期毋得自怠又見佛身金色卽奮起面西端坐召其出家子義修諷彌陀經倏狀而化其女夢母報曰吾已得生淨土可聞諸修師云

元陶氏十六娘常熟徐村人年二十六寡居無子願生淨土恒持念彌陀觀世音經忽夢白衣人擎蓮花一朶與食之覺後心神頗異嗣裝一小閣西向誦經念佛甫三年見佛現光明經函上有火團如彈子氏恐燒經急以手撲乃得舍利一顆臥終時佛來迎

別衆而去

明于媼昌平州邵村民于貴之母久積念佛一日浣衣甚潔謂其子曰予將生淨土子未信至期取几置庭心坐几上脫去異香天樂此鄰皆聞明方氏諸生吳應道室三十而寡守志皈佛專修淨土一老嫗亦齋戒相隨二十年萬曆乙酉時年五十矣小疾呼老嫗相對念佛不輟無一語及他務卒前一日沐浴更衣然香禮佛還坐一榻而逝子用先第進士質直不妄語狀其事乞傳銘云

明薛氏武塘世族女生時母夢長庚入懷後歸周生

子五人而寡。秉節自誓。供觀音大士香。煙結蓮花人異之。專心淨業。好施不倦。念佛十五年。如一日。萬曆丁亥五月得疾。醫進乳粥。確乎不許。遂絕粒。屏藥石。至九月六日。延僧禮懺。且曰。四日足吾事畢矣。乃西向對彌陀像。晝夜繫念。囑諸子翊贊。禁諸婦女毋入遺命。具龕去棺槨。無焚錢帛。無祭煞神。時值重九。恰第四日。次早索水灌手。誦甘露真言。着所淨衣。戴誌公帽。長跪佛前。念然香。讚佛偈。輪珠念佛一百八遍。逮午。趺坐結印。而化神氣熙朕。時衆俱聞蓮香滿室。諸子奉命入龕觀者數千人。歡喜頂禮。

明劉道隆母李氏。年四十。長齋念佛。不解誦經。修葺靜室一間。供奉佛菩薩像。朝夕焚香。稱禮。每遇誕日。誠子婦。母設慶席。惟禮懺。一日或三日。如此者。二十五年。將終前十歲。用督紡所餘。延僧禮懺七晝夜。夢大士持素珠一串示之。曰。以此授汝。珠數乃往生期也。夢中數之。五十三顆。不解其義。至庚子五月十三日。忽告家人曰。吾今日行矣。可舉家大聲念佛。助我西行。子婦輩。皆坐榻前念佛。面西端坐而逝。

明張母陶氏。爲長水守約繼室。居士奉佛。氏化之日。課誦無間。居士出禮普陀。母謂二子曰。吾平日參是。

心作佛是心是佛一語今始悟初四日吾行矣及期

端坐而逝次日居士歸成殮俄棺上出青蓮花五朵
居士大駭異自愧不知其道行如此遠近見聞無不
嘆慕

明中官孫名之母一生齋戒念佛年老微恙自知時
至告其子欲坐脫子哀泣止之不得乃爲作龕至期
入龕安坐化去

明陸母徐氏嘉定人孀居刻志淨業夫昔有千金出
貸焚券不取奩飾罄以施人恒于佛所禮誦不輟如
是十載一夕忽呼侍人曰看東方光發否我往生時

至矣汝輩可助我高聲念佛合掌而逝

明金陵定淮門楊逸一豫章人妻呼選一娘三十生
子後卽與夫別居聽其置妾自日長齋念佛至己丑
十五年矣八月忽生發背痛楚入骨見一惡鬼以刀
割其背肉有大力神驅之去苦若脫旋謂夫曰吾將
行矣有童子四人相迎可以清茶供之夫疑是病中
鑿語問將何往答曰往西方合掌念佛遂逝

明江寧十廟西門湯道人公甫母八十一歲向來長
齋念佛每晨夕萬聲爲課庚寅元旦公甫請融悟觀
如兩戒師虔修大彌陀懺以初四日五鼓進壇有唐

道人者。在壇外打報鐘。平明時。忽見白鶴數十。旋繞屋上。壇內緇素悉見。蓮華生佛座下。內外金光覆空。山河大地。了無隔礙。如斯境界。有長香一枝。至行道畢。下壇方散。此皆湯母虔修淨土之現證也。其往生上品必狀矣。唐宜之目擊載已求書。

唐張善和殺牛爲業。臨終見羣牛作人語索命。於是大怖。喚其妻云。速延僧爲我懺悔。僧至。諭之曰。觀經中說。臨終惡相現者。至心念佛。卽得往生。和云。地獄至急。不暇取香爐矣。卽以右手擎火。左手拈香。面西專切稱佛。不息。踰日安狀而逝。

唐雄俊。寓成都。膽勇過人。不守戒律。嘗罷道從戎。尋復爲僧。因聞經言。一稱佛名。滅八十億劫生死重罪。乃大喜曰。賴有此耳。自此過未盡改。而念佛不輟。大曆丁未二月。暴亡。經宿忽甦。言至冥司。主者判入地。

獄俊厲聲告曰某入地獄無詞但諸佛菩薩未免妄語觀經云下品下生者造五逆罪臨終十念尚得往生俊雖有罪未作五逆况改悔念佛無數乎言訖得回生後入山齋戒念佛越四年辛亥三月僧俗咸聚告曰吾時至矣爾輩還城見吾親知乞爲語俊以念佛得生淨土毋視爲地獄漏網人也語笑之間端坐而化。

宋仲明居山陰報恩寺素行踰檢因感疾謂同學道寧曰我今心識散亂何藥可治寧教以隨息念佛明如所教至七日力已困憊寧又令想目前佛像久之

忽見二菩薩次復見佛瞑目而逝。

宋吳瓊臨安人先爲僧退道返俗前後兩娶生二子屠沽之事靡所不爲常庖廚殺雞鴨等則持而唱云阿彌陀佛子好脫此身去連稱佛號乃施刲每切肉念佛不輟後日生瘤如雞卵遂大憂怖搆草菴分散其妻子念佛禮懺晝夜如不及紹興二十三年告人云瓊來日戌時去也人皆笑之次晚以布衫換酒飲畢書頌云似酒皆空問甚禪宗今日珍重明月清風端坐合掌念佛化去

宋陳企龍舒人嘗殺人後見鬼現企大怖急念阿彌

陀佛鬼不得近因念佛不已鬼遂不現臨終坐化元至正十五年冬張士誠攻湖州江浙丞相與戰獲四十人囚檻送官夜宿西湖烏窠寺適大猷謀禪師徐步廊下因者見師神觀閒雅持誦不輟因告曰長老救我師曰我不能救但至誠念南無救苦救難阿彌陀佛却救得爾曹也中有三人信受其語念不絕口天曉發囚易枷鎖偶至三人刑具不足惟繫以繩旣而審鞠乃良民被虜者遂得釋按念佛法門人知爲亡歿之歸宿而不知生存之利益是故聞持咒得靈通卽改而持咒聞講演得聰辯卽改而講演聞營

造得福報聞齋會得人緣乃至聞攝養得長壽種種變易曾無執持安在其一心不亂而望淨業之有成耶據實而論求生淨土本爲成佛度生旣非圖身後之樂復何計身前之利與否哉

附物類往生

唐貞元中河東裴氏畜鶴常念佛過午不食臨終十念氣絕火化之得舍利十餘粒炯然耀目僧慧觀者用陶甓建塔以旌其異成都尹韋臯爲之記有了空相於無念留真骨於已斃句云宋黃巖正等寺觀公畜鵠鵠能言常念佛不輟一日

立化穴土葬之。俄而舌端出紫蓮花一朵。靈芝律師嘗爲之讚有立亡籠閉渾閒事。化紫蓮花也太奇句。昔潭州僧有養鴟鴞者。土呼八八兒。常念佛旣斃以棺葬之。忽生蓮花一朵。自其口出。有頌之者云。有一靈禽八八兒解隨僧口念彌陀死埋平地蓮花發人不回心爭奈何。謹按世尊誓願云。衆生念我名號者必生我國。凡言衆生上自天人下至昆蟲皆是以此參之。則此鴟鴞必生西方世界與頻伽等倡和法音矣。可以人而不如鳥乎。事載潭州志。至今以八八名其城門云。

板貯嘉興府楞陽

明崇禎間吳雪崖公爲福州司理。生平虔奉如來。每往開元寺禮佛諷經。素聞省僧多茹葷。而本寺尤有蓄牲宰食者。公爲請督撫嚴示立石。以禁止之。頑風未能盡革。一日公在禪堂念佛。一雞聞之亦念佛。公詰僧曰。汝輩云寺中久不蓄牲矣。如何有雞索得之。公念佛雞仍念佛。乃痛責僧曰。今觀畜生尚有佛性汝輩雜染破戒。不若畜生多矣。墮落何疑。僧涕泣懺悔。曰。僧等從此發大誓願。誠實齋戒矣。通省聞風知倣者沙門爲之一變。云公養此雞于署中恒念佛。不輟。後轉官携至丹陽。送入海會菴中。以其爲接衆所。

80

1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

使遠近生信也。雞至菴日卽念佛立化。公爲樹塔誌焉。出唐宜之中馭乘。云公齋地藏子中興會不明江西鄒子尹祖爲廣東兵憲有叅將自知三世因一世爲蛇二世爲書生三世卽今職因提兵征洞蠻過一山諭軍士曰我夙世曾於此山爲蛇今欲進山視舊屬汝輩勿驚怖也入見洞中蛇無數叅將作蛇語謂之曰我昔與爾並生于此只因我能念佛一聲卽得生人中今爲大蔣爾等何不念佛求脫此苦耶蛇俯首作受教狀參將凱旋日復入洞察之則萬蛇皆死應以念佛化去矣鄒公聞而異之述其事以誌

則萬蛇

80

1 2 3 4 5 6 7 8 9

10

1 2

3 4

5 6

7 8

9 10

1 2

3 4

5 6

7 8

9 10

1 2 3 4 5 6 7 8 9

二、五十